

江
西
詩
徵

江西詩徵卷八十

南城曾燠賓谷編輯

國朝

蔣士鏞

士鏞字禹筮鉛山人堅長子著有旋山堂詩

江村夜坐

雨後蒼山半是雲燈昏孤館葉紛紛誰家小艇風吹去野渡春寒夜喚人

東湖竹枝詞

剪綵花朝挂樹紅杏花村裏雨濛濛家家打豆忙驚蟄小婦厨前喚炒蟲

攜家還鉛山別城中故人

百年築一室鄰里非舊時俗士相逼迫誓將還山棲門巷
雜花竹娟娟晨露滋肩輿已在門臨觴忽難持不覺還鄉
樂反益離羣悲觸目生新感回首成寤思人生寄天地否
泰意難期所適有微幸落葉還故枝桑梓起恭敬安敢顧
其私長揖鼓晨柁冉冉迎東曦

蔣士銓

士銓字心餘號定翁鉛山人家南昌堅次子家貧
母鍾斷竹絲結字教之乾隆二十二年成進士授
編修乞假主講吳越閒母憂服闋起官尋以疾歸
南昌卒著有忠雅堂集外集填詞九種

太行絕頂

一色芙蓉簇紫光紅泥遙指舊宮牆
高天鶴鶴窮秋出大澤龍蛇白日藏
鎖鑰是誰同上黨風雲曾見會南陽
忽看隻鴈婆娑下王屋中峰轉鬱蒼

飄然襟袂挾剛風七國山河俯瞰中
土石千重分項背元黃一氣轉鴻濛
驚人事業英雄夢過眼文章造化工
獨喜時清無設險漫將行路比蠶叢

東王店

西風獵獵雉媒秋袴褶花驄錦臂鞴
馬上呼鷹廬下醉太平軍士不知愁

上灘

殷雷出地奮坤軸斗欲撼高浪建瓴甍碎石激丸卵聞響
氣已奪作勢力尤悍羣龍舞幽壑萬馬突飛棧如梯級直
拾如闕闕橫限會趨猛難束一注下莫緩險阻艱客濟疏
鑿信天竄方舟不徑上利涉肯中返攘臂同一呼鼓枻孰
能懶半步未苟移百夫已全袒踴躍汗濡首不于水沒胛
強項恃腹背勁氣積頤頷若扛百斛鼎來走九折坂或憑
或擁扛或牽或負纜曳尾龜掉泥兀尻驢息喘眦決視自
夷肩背笑詎諠競渡心則一助力叫齊喊相持進匪易稍
失退莫挽踏石恐蹙盤砥波誇脰敢濺沫灑飛雨流藻濯
青毯橋臥鯢飲帆蒿撐隨破胆風逆屢迴柁日烈故張繖
整臍白馬避拔脚緣苔染裂膚誰得辭裸體不遑赧抱竹

狻在木駢肩鬼相壓上灘復下灘出坎旋入坎衣食託艱
瘁顏色異黢黢壯者塵撲面老者雪盈髭奚弗馳康莊而
甘冒傾險沽酒勸人醉烹魚召客飯生業頗自足苦樂未
知感我生勞實多百慮苦莫斬結童歷舟車中年懼硿礧
奔馳憂刺促歲月去荏苒倏忽遘錯迕安能事恬澹終朝
抱紆鬱一卷罷流覽推篷望村邑秋林雜青紺風濤日鼓
舞耳日或澄湛人心逐波浪周道若爲坦

秋夜病懷

夜氣沈霜影秋河直午天雁聲孤月裏人夢五更前久病
疑虛室餘魂怯曉烟不堪身世想寥落感中年

湖上晚歸

濕雲鴉背重野寺出新晴敗葉存秋氣寒鐘過雨聲半檐
羣鳥入深樹一燈明獵獵西風勁湖心月乍生

寄楊子載

鄉園莫問劒南程愁絕瞿唐灘聲入口流亡悲世曹一
衿潦倒愧諸生空舫夜雨黃牛峽魚復秋笳白帝城目斷
蠶叢惟鳥道極天關塞重傷情

薦福寺

古刹蕭然冷劫灰殘碑何處偃蒼苔不關天地非奇困能
動風雷亦異才佛子堂空香雨散英雄墳老野花開白楊
搖盡無封壤寒食憑誰展墓臺

落葉

零亂霜楓覆蘚痕小簾風緊欲黃昏墜深
有鹿朝穿徑酒醒無人夜打門夢入故宮
尋古井愁生野屋見孤村一枝別後應難
信好向牆陰覓斷魂

古道無人拾墜樵啼鳥來往獨魂銷一林
冷月露山寺十里清霜生板橋舊事幾添
搖落感離情不記短長條高樓試奏哀蟬
曲滿耳秋風咽玉簫

開先瀑布

瀑布之水源何來剗然下裂長峰開下土
目駭自天落絕頂乃有千盤迴青山斷缺
聳雙劒元氣直瀉巖頭摧飛流已出不肯
下一綫中折分潞洄隱現數折蓄精銳失勢
一落如奔雷跳波亂擊潭水立怪物潛伏寧
鬚顚音聲頃刻

已千變萬馬赴敵金轡催天光半壁照空谷此地萬古無
陰霾谿訝積雪挂千仞山中猿鶴猶驚猜銀花下散布水
臺混沌鑿破山根隈四壁皆刻大字有如蜂房字有如蜂房肇窠大字洗不盡鐵畫
滿地鐫青苔太白已往老坡死我輩且乏徐凝才惡詩走
筆不敢寫山亭煮汲燒松釵明朝竹枕青芒屨凌風踏碎
烟雲堆飛泉三疊絕倚傍坐觀一洗塵氛懷

金陵雜詠

石城艇子去難還衰柳金城未忍扳消受孫郎樓上坐三
山吹落酒杯閒

不取金陵誓不回袈裟潛遁有餘哀成王何在周公死差
無兒孫又北來

豈有君臣說中興滿城花月唱春鐙風流略似清談後秋
草茫茫十一陵

潤州小泊

孤城浪打朔風驕鐵轡陰陰鑠麗譙微雨夜沽京口酒大
江橫截廣陵潮船膠涸水帆俱落人擎層冰凍未消小泊
不妨侵曉去海門寒日射金焦

題天全楊藏用遺集

嗚呼楊公將門子外藩千載官世世列土何堪及身止昔
者雍正戊申公年五十二手扶老父辭鄉里全家來飲西
江水市人不識宣慰使謂公西蜀蠻夷耳我聞天全古荒
服外控魚通三十六子子孫孫飛食肉朝廷倚彼爲爪牙

楊氏高氏分符竹高司始陽楊礪門婚姻世世相仇恩怪
哉楊氏生公如虎賁高司性螫鯨鯢吞心欲楊氏無兒孫
當年木坪蠻司死邊堡公翁定襲成都道公守礪門年正
少何來沃日瓦寺軍高司虎視將爲暴邏卒告公公劇飲
燔羊饗吏銀鐙繞三日敵來公已去竈下惟畱白頭媼鼓
聲一發伏兵掃蠻兒血肉飛秋草可憐羞煞高招討男兒
如是亦快意頭白南遷傷閑置低頭但詠卷中詩絕口不
談邇外事聞公善射立馬背左右開弓不挽轡兵書老去
厭三復袖箭生平只一試自言昔與木坪兒半夜微酣尙
能記空堂燭滅電一掣箭出中光光已逝舉燭索箭不可
得箭著東牖血點地少卻幾爲高氏刺嗟乎公生丁巳卒

丁巳我歸猶及交公弟公側室子墜垂涕道公往昔督挽
西臧糧蠻山醜樹森刀鎗毒霧著人人立僵裂膚墮指六
月當得公子詩人命長令嚴恩重飢寒相無人不愛砌門
楊篋中遺詩尙萬紙公之功名文字裏六十年來奇男子
南昌占籍公其始

康郎山

水氣一帆隱微陰作莫天亂峰銜雨出孤月抱秋圓岸斷
來漁火昏空入晚烟誰知青簫底有客枕書眠

寒夕

人語聚寒夕風威到岸停客衣連水色船火亂疎星一徑
落黃葉兩峰開翠屏年飢商估樂愁向月中聽

言名
一年

一年春夢乍醒時
風笛離亭犯曉吹
細雨騎驢人獨去
秋原送客鴈相隨
吳綿薄試征衣重
天氣微寒病骨知
歸路雲山高澹極
冷吟閒醉與支持

楊子載湖亭送客圖

兩人執手意相語
篙師持篙促人去
水風吹面酒力薄
落葉打衣禿襟舞
小樓拓檻誰獨憑
黯淡湖波上秋樹
客中看畫欲愁絕
展卷爭題奈何許
我不知君送何客
憶我年年別君去
前春與汝載官舫
醉吟諧謔不肯讓
秋帆別汝東湖東
且復斯須發高唱
想君愁緒從此多
湖亭日日歌離曲
五窮厄君太潦倒
一蹴蹶我聊蹉跎
君有老母別不

得躑躅芳洲甘送客
小人有母不得將
今年買宅居南昌
我欲荒園結虛廡
聚我生平十州友
萬卷之書百斛酒
故人持觴壽我母
來共拍浮去共走
終身不唱折楊柳
裂君此圖君許否

田家小憩有作

笑捉犁鉏教子孫
戲拋菽粟飯雞豚
幾人春鬢白成雪
十里菜花黃到門
閒數年華同世外
坐看雷雨出山根
也知不識城隅路
汲徧三條井纔痕

夜泊

維舟不擇地
蘆葦自相鄰
野月淡成水
暮江秋在人
鼓琴沙落鴈
對酒我爲賓
不敢酣然醉
中庭念老親

雪霽曉行

東雲留曉日孤寺不曾開
雪屋寒光定山風虎力迴
谷深羣響合筇健一僧來
爭似茅檐底呼兒索酒杯

送饒霽南

學曙

同年北上

錦鷄相攜破浪行
津頭別酒亦淒清
離心願作青山影
隔斷寒江去櫓聲

龍洞山

拔地立城郭壁面四圍俯地底
開龍祠山根蓄風雨傾瀝
有餘潤卓犖無寸土石裂草木
出風過丹黃舞橫嶽出細
竇亂雅奪門戶龍居對開豁
東洞側破釜避秦寇火絕陽
和至今貯西洞受朝曦
質壁徑可取天眼一斜穿
暗漏每

奔注誰留面壁相灌頂愁潑乳半規透旁隙僧引前列炬
打頭識磽确漬衣驗沮如入穴遁蛟蜃脫身全鳥鼠兩崖
雨屏抱一峰一屏豎褰衷壽聖院摩崖念初祖樵歸客始
炊烟起鴿微怖深杯吸靈怪削影怯蛇虎茲山未云深昔
至人已古馬蹄遠莫寒出谷日猶午

寄饒二霽南

君生庚子我乙巳少君五歲爲君弟我爲山礬君爲梅當
時接葉參差開塞香向春脫冰雪病蔬背日依蒼苔三年
一見齒粲粲不問苦樂各看面朱顏雖後蒲柳衰壯氣頻
隨風雨散我懷未訴別奈何燕市買酒爾飲軻古來失路
萬人淚斷續滴作桑乾河一載東征發長歎僕被霉痕秋

雨爛可憐玉尺非我有亦復丹黃矜爛漫遙知瓊院異今
昔時分校隔牆舊夢應零亂吾者難空海底珠梓人曾泣
溝中斷使星照眼數同輩幾處門生侍清譙絕倒歎寄歷
落人不向京華騎款段

阿相公克敦三使高麗圖

皇華歌罷曉駢夫旌節乃指東扶餘五雲綬隨

帝敕從者皆乘昂昂駒名卿出使觀塞塗麒麟繡服垂金
魚川原細按懷方圖高句驪國箕子都桂婁五部四稱奴
背簡文條用舊義柔謹獨與三方殊朱蒙好文尚浮屠乞
經乞書文軌符王畿相距若郡縣

國初拱極誠首輪相維設牧制其職朝聘不與遐荒俱嗣

封命官有典則薄來厚往欽前謨

朝廷服遠重專對使臣舊例遴鴻儒相公幼入承明廬文章久擅雜林譽誦詩三百堪馳驅言詞風度誰得如三銜鳳綽到朝鮮清望蠹蠹鳴夷隅再至三至異厥初國門觀者皆懽娛笑指天使微有須巖巖玉山作身軀道旁逐者大對盧青羅裁冠履承附傳薩釋薩折腰趨譯官代譯聲喁喁介紹傳命王曰俞北面拜貺敬讓孚

詔書宣示王心愉伏地稽首明區區

天王盛德信不渝庶幾永撫東夷諸私覲致餽儀容舒庫樂雜奏笙琶竽天使世肖金張間問言鑑貌聽瓊琚或愛或畏或嗟吁得毋零星天神徒柳崔金李敢卿掄迎公送

公多踟躕每別輒問還來無公之誠信播中外如葵東向
當朝晡綸扉坐論盛元氣白頭赤舄碩且膚高麗貢使拜
螭陛往往竊視三公孤垂紳私喜相公健入畫詎識鄉山
巖丹青此本許傳寫蘭紙定有東人摹

謝蒼崖丈西堂小飲

戴笠乘軒廿載經兒童傀儡各縱橫漸知感慨太無謂但
覺江山都有情海內明公多遠別天南小吏頗相輕市中
若屐吾猶慣不用等閒知姓名

汪生

暢

汪生東野儔五窮不可送束髮歷難苦皎月墮陰霤浩歌
振頤響其才實天縱放意滿規矩鞭想絕羈絆語出百靈

怨篇終一城誦昔作句讀師勤學巖餐饗葉母閨中賢擇
壻輒獨中索詩爲定昏高義駭愚蠢大吏聞其事書幣各
頒韻笙歌集檐楹珠翠繞鸞鳳母實立人鑑可爲天下風
齊名有楊生才力與伯仲我騎瘦馬來對之敢罄控境上
陳犧牲失笑若菖宋一託金石交誓以死生共同心維雙
蘭十載效嚶哢昨歸執君手十指令人恐短禿異駢枝爪
節相剝壅問遭祝融厄語次堪一慟衣襖偶不戒竹破失
其統奮身蹈烈火妻子竟酣夢裂幃掖以出不覺已軀重
全生四人在剝膚一家恫鬚髮燎原野皮肉滴乳連枯筋
指閉出狼籍不可凍我母曾往視對之欲分痛象焚亦誰
尤倖巧當自訟豪端洩靈閤神鬼故危弄豈知班揚手尙

待廢雅頌廿年熬膏油一鍊瘳與癰兼金入陶冶鎔鍊方
克用孝弟古一科行優當入貢側聞青蠅口欲阻六翮玃
居邦友賢士此輩殊懵懵潛躍有定理豈受百囊纓我時
一過君紅蠟破春囂情親略嫌別痛飲忘缺空兩郎字爭
識一婦事獨綜到門無鄙夫文士爲凜從分題秦楚會角
酒鄒魯間座閒孰小異醉後我從衆歡來恐傷別靜久各
思動願君游東華瀟灑脫章縫一賦帝京篇上爲清廟供

佳日

是處笙歌有畫樓紅燈繡枕玉雕鏤浮生勞苦幾時滿快
意好風如是柔雨後春禽對言語舟中估客各軒翹青由
無數過雒上我臥讀書船自流

人日夢中題畫

屋後蒼苔如潑乳夕陽紅到青楓樹
龍僧定力齋鴛知啖客離思夜猿主
幽禽無語泉湍迴綠溪草閣一半開
山桃門外落成雪藤杖伴吾歸去來

送汪魚亭還里

來處植植去草草送君再出長安道
柳條不似昔年青秋氣真隨故人老
君將入仕游未倦我欲著書心已槁
不忘溝壑守窮乏恥向妻孥說溫飽
年來自許黏壁枯相對猶憐擇枝繞
君身本彊氣不屈鬼神揶揄百端擾
高才易竭須善繼美譽難勝貴終保
千金屢散身枉勞萬卷重開歸及早
孺人穉子入夢鄉淚灑鐙檠客懷渺
陶潛醉語醒者

怒杜甫登牀貴人惱家無擔石豈得住
主客初心亦難曉
敵裘羸馬天蒼茫投轄傾囊事縹緲
漫拋心力繡平原誰
出黃金鑄買島卅年故舊幾人存
千里關山何處好布帆
安穩浩歌還回首交游迹如掃

苦雨仆牆戲東北鄰韋五舍人

初疑落奔雷再疑馳礮車
三日仆兩堵二宅成一居
舍人同我心卜鄰半載餘
月輪兩餅金各負一蝸廬
櫪連鱗瓦接檐合蛛網
紆側耳聲聞通入夜守望俱
蛩駘恃或然鵝鴨齕則無
豈惟水火求每感疾病扶臥
聽兒女囁靜誦古人書
夏霖淹浹牀上將生魚
性情戒屏翳託處宜空虛
土崩間隔去曼毀遮蔽除
料非鬼神瞰頗類穿箭剝
商君

破井驅陳仲舉廉隅長城究誰壞短垣寧自踰母乃子產
猛其或于木迂知命信無咎處堂何必愚幾同羊觸藩竊
懼豕負塗點晴怨僧絲立壁慚相如六月雨不止數椽恐
成墟及肩可窺君捧腹真笑予汲婢慶合簪爨媪欣連裾
主人互約束畫地分城區臣僕不踰境勿罹春秋誅君仲
有新婦綠窗定踟躕局戶垂房櫳閉置如在輿君有兩嬌
兒毛羽雙鴛鴦中庭問詩禮我子堪陪趨城府旣不設畦
畛詎復拘別嫌禮則然交謫語亦俞仁政始經界畊者敢
睨肝陰蠹苟驅掃版築盈街衢君當效旁求落以吾家腐
肩聑起屏幃糞土加聖朽且爲樹塞門居然兩夷吾

送錢慈伯游雲中赴景學使幕

未可悲淪落斯文賴別裁行邊詩骨健立馬塞雲開古事
存碑石長歌借酒杯書生懷抱盡還上李陵臺

韓侯釣臺

太公釣致其身子陵釣全其身韓侯釣殺其身釣者死釣
臺有魚潛不深蛟龍吞三十八世姜家孫周武王如其仁
觀前蜀王錯書妙法蓮花經殘葉爲鄭西崖作

龍八月見洵陽麟十月見壁州武成三年祥瑞哀扶天閣
功臣圖文思殿貯羣書張格王錯恩禮殊賊臣紛紛事殺
戮學士寫經藏浮屠妙法蓮花有正義六萬九千五百字
能以圓教度無邊王八子孫應世世危腦帽何不祥金蓮
冠倚醉粧青城山頭衆仙戲彩雲作衣霞作裳宮妃唱罷

甘州曲畫舸龍翻錦江綠簾帷珠翠滿城香爭看李巖
來聘蜀貪狼怪風橫空來回鶻小隊宮人迴三趙村南十
八塚佛力普救何有哉潼州剩有琴泉寺八百餘年塔輪
圯經函幾倖却灰遺却被頑僧等閒毀一千三百二十言
首卷殘葉畱人間燼餘幸落鄭君手唐末手跡相傳觀平
章相業無可紀妙墨惟存書數紙當時共仰筆如椽降表
還推學士李

重裝長椿寺明九蓮菩薩聖像歌

聖像勒石傳琳宮觀自在身太后容丹青畫本世罕覩京
師梵宇分頒同城西舊有長椿寺玉軸猶存尙方賜袈裟
瓔珞天人裝靈氣浮空花雨墜金粉半脫目有神老僧略

識娘娘尊當時諸佛避寶座今日故紙黏梁塵昔輔神宗
持國柄外有江陵內慈聖諒闇不負託孤心嚴憚同欽蒙
養正曉漏聲中呼帝起長跪讀書寧恕爾不須定汝作官
家須知汝亦都人子煌煌慈訓天下平帝長唯賴張先生
九州富強天子孝報恩崇佛工樂興黃金布地恩難答嘉
靖求仙換家法一時庫藏散浮屠請看堂中多寶塔後來
帑竭煩征輸國戚助餉多加誅皇兒泣隨菩薩去六宮齋
醺無時無可憐酣睡太妃側萬歷初年還供億世宗神祖
善功垂仙佛如何難殺賊嗚呼往事莫具陳重裝寶相開
金輪槐花落盡香烟冷麥飯誰人念老身

懸忠寺觀傅雯畫觀世音三十二應像

虛堂湧現人天身三十二像何紛紛
聲聞辟支毘沙門梵王帝釋天將軍
宰官居士長者倫比邱優婆男女羣
天龍夜叉人非人修羅摩睺金剛神
珠眉火目莊嚴尊離肩賜鼻醜怪均
芙蓉頰輔丹砂唇黃金臂指藤蘿筋
或大歡喜或怒瞋或頭叢叢或龍冠
珮紱冕纓旒紳笏杖劍塵戈鉞鐔
一一妝束離六塵明霞彩霧相鮮新
善氣熟視衆欲覩覓威乍矚皆退奔
誰其畫者爲傳雲十指爲筆常擦絨
爪甲盡剔蠶螺紋雲也偏彊性莫馴
窮老不作王侯賓使酒嫚罵直氣伸
忽然醉弄松烟盆狂叫拍抹獅王蹲
思議遍攝諸天魂大笑捨之祇陀園
噴灑墨雨飛慈雲妙香四壁浮氤氲
名觀世音何緣因無盡意聽佛告云
云何解脫

萬劫輪稱名普救如其仁寶珠瓔珞奚足珍衆生卽佛無
合分青蓮九品花葉根三十二相孰假真現身說法空勤
勤離慾者誰菩薩顰雲汝多事慈容曠

文字

心與文字會飄飄起春雲又如春江流波瀾了無痕篇成
覺微妙其故亦難云改念谿逕別再爲工拙分平時讀書
力醞釀卽漸醇此境不易到可爲知者論著作有時運何
况樹功勲

巍巍淮西碑中有萬丈光君相力難掩天地舒其芒蘇文
入厲禁厄盡久益昌後生學操觚汲汲恐弗彰剽賊浮泛
詞竊興豈能長其言本無恨多羨何足傷

二月自南昌買江船泛宅還白下

春隨天共遠江與我俱東身世餘高興行藏一固窮鄉思存故國厚意感羣公三載歸何處扁舟類轉蓬

湖口縣

江水平分處湖光繞縣門磯迴漁艇聚沙淺釣樓尊古壁添新翠春流驗舊痕巖風弄鐘響疑有暗鯨吞
列岫鬱蒼蒼彎環挂女牆烟波接彭蠡門戶鎖南唐地入魚鰕市天鄰橘柚鄉迴頭看湖水一半下潯陽

錢武肅王鐵券詞

長尺八寸闊尺一厚分五釐銅瓦式重百三十有二兩鐵質金書精嵌飾皇皇三百三十字乾寧四年歲丁巳八月

丁未帝曰咨報爾勲勞承信誓衛我社稷惟爾忠福我生
靈惟爾惠恕卿九死裔三死史館欽哉勅頒示臣鏐再拜
上表聞聖慮永保臣私門曲加容恕感至德懼傷慈愛孤
殊思子孫保守皆忠附歷世至元沈澤庫漁醫一舉返台
州千秋守器先靈護我聞洪武之初褒功臣特命危素取
券求稽勲濂禕詠歌甫畢響韓彭烹醢多游魂君不見李
懷光擲券地下聲琅琅疑人反者賜此物臣有明信中心
藏吁嗟乎唐錫帶礪報爾功宋奪茅土表爾忠生兒浙臉
符佳夢半壁山河一券中

黃天蕩

夫人揎袖擊戰鼓將軍殺賊聲如虎黃天蕩浪闊排山金

人膽落魚遊釜鬪士焉知老鵜河百靈縱脫蛟龍過厓山
壁立海濤湧中原路絕悲如何君不見和尙原朱仙鎮吳
岳軍威天不順金山鼓死戰雲愁空勞魚鳥長江陣將軍
恨逐江波流夫人散髮弄扁舟西湖去作騎驢叟偕老猶
堪共白頭

內子生日

禮佛看焚壽字香珩璫雙引玉鐙箱中命服經年舊鏡
裏朱顏逐歲黃新婦爲婆傳井臼人家偕老重糟糠明冬
對飲生孫酒調笑應添小鳳凰

龔侯刀劒歌

一條電光三尺水出入沙場萬夫死人頭過處古血腥馬

脚飛時陣雲紫太平世界善刀藏龔侯含笑游咸陽新豐
市中酒氣熱醉買壁上蛟龍偃寶刀得主聽主使百鍊之
剛能繞指別有一劍紅毛來魂魄隨鋒泣倭鬼誰聞蛇母
秋郊哭魍魎潛藏狐鼠伏功名可入刺客傳姓字應留陶
氏錄龔侯任俠無荆高右手執劍左手刀鎧昏月暗一起
舞白練四湧翻銀濤奇氣凜凜出兩臂亂掣冰山轉天地
冥冥莽莽透骨寒雪卷虛堂騁風勢呼嗟乎報恩報讐孰
淺深爲銛爲鈍隨銷沈干將補履刀作鏡老盡人間壯士
心龔侯當官有官職持此爲時誅盜賊不然佩牛佩犢學
爾渤海翁摩頸休如屈突通

雷門吟

餘姚有余霖四十老一衿謁我戴山麓涕出悲不任謂公
具手筆乞爲雷門吟亡兄名余震雷門乃其字霖生托遺
腹母老欲拋棄兄嫂奪血胞兄怙嫂則恃母亡兒六齡九
齡兄授經魯鈍不可狀兄獨嘉其靈兩姊及笄嫁一一飛
脊令霖愚復多病二十奄奄形病則奪書笈痊則還鐙檠
欲繼先子業恐傷子季情迴憶七齡時兄子同病瘍戒嫂
善視叔叔安兒可殤日夕嫂抱持兄子擲于牀我號嫂則
泣我笑兄則歡三十授弟室旋入膠庠間看我衣裳線嫂
淚存斑斑檢我箇中書手澤兄黃丹兄嫂六十歿合葬上
林村南山宋家嶼有我兄嫂墳兄以貧廢學醫藥活千人
活者慟兄死皆欲贖其身霖困蓬蒿中懼掩兄嫂賢椎心

泣血詞願公采斯言我爲一一書孝義可云止愧彼尺布
謠用以資國史

赤堇山

允常鑄五劍薛燭一再顧湛盧走堪吳僚胸魚腸飛入闔
閭墓歐冶風胡亂世人鍛鍊五金助不仁大賢落手變未
結術更挂腰成犢辟勾踐英雄允常子更鑄八龍吾霸矣
伍員纔拜屬鐵恩文種餒餐懸剪死君不見楚國太阿晉
干將後先尙力同滅亡秦望埋金久化土越女術盡猿公
藏我聞莊生三劍兩無敵不用笑鬢蓬頭相技擊會稽霸
氣黯如灰何貴區區堇山錫

宛委山金簡玉書歌

符讖紛紛千百種，衰世邪言特繁冗。妄傳禹會拜瓊罔，不但周書開汲冢。元冥失職當堯時，蒼水使者彼爲誰。六經焚後雜小說，商周占夢皆可疑。下流始交終迄雍，遂錫元圭通賦貢。江河歸海乃入越，事後求書何所用。傷心莫救羽山誅，幹蠱忍聽黃能誣。宛委神人亦何物，敢向大禹稱吾徒。吁嗟乎馬身龜背無文字，聖人取象通其意。朝廷掩耳造天書，祥瑞從來等兒戲。

潘曦亭別駕招遊三江觀應宿閘宴飲竟日入城夜半矣明日作詩寄謝

兩山中斷開危峽，內江外海蛟龍狎。海飛江立山腳破，鞭石橫空立飛閘。長三十丈闊二丈，閘板雙層中貫插。二十

入洞排水門各有星官司歛欲海如盜賊凜窺垣江若虎
兕欣出柙百川東去難撼搖萬嶺西來敢傾壓天神列鎮
肅旌旗水將連營布兵甲潮頭逆上見崩摧江尾順趨隨
管押當年人力豈能到太守默傳神禹法連椿入地莫干
秋積潦浮天消一霎三城雪卷水安瀾萬頃春迴人荷鋤
閒看網戶稅魚蝦罷問舟鮫掌鵝鴨湯公俎豆自不祧
請蕭公分饗給我掣勁楫割玻璃不異清游泛茗雪人家
斷續冠畦畦崖樹彎環互寬狹漁郎水嬉篙技擊別駕鐙
筵酒盟歛糟浮子鯨舌尖慘蜜餌霜柑爪痕搗藏闔戰母
客分曹算馬度壺同用筴嘉賓側弁主猶醒裴公欠伸鐘
且之歛斜揖別鴈翔汀福仄登舟劍歸匣迴帆自發小海

出冷月生寒透巾帽

鍾進士獵虎夜歸圖

鍾馗食鬼常苦飢，心厭鬼瘦貪虎肥。虎能充飽鬼色喜，奮
勇去合南山圍。衆鬼掙擥搏一虎，進士能文鬼能武。欣然
按劍騎馬歸，鬼卒後先分隊伍。神鐙挂入梅花枝，一鬼前
導雙手持。主人攬轡三鬼隨，分荷杖笠巾卷扇笏相纍纍。
一鬼負弩何壯哉，三鷹一犬四鬼司鷹犬。逸徒爾爲執
挺之鬼，竚以嘻。一鬼鳴鉦壯鬼膽，五鬼揚威誇勇敢。張弧
舉槊弄刀斧，十目視虎防虎噉。鬼雄勒虎殿厥最，虎力鬼
力相進退。虎嘯一聲，鬼向背。黑月無光向西墜，我聞畫鬼
易，肖畫虎難。鍾馗壯貌誰曾看，將軍善射無俟骨不若閭。

羅死姓韓

沈氏園弔放翁

母不宜妻斯出耳人倫恨事無過此孝子長懷琴瑟悲離
妻不抱靡蕪死腸斷春游沈氏園一回登眺一凄然綠波
難駐驚鴻影壞壁空留古麝煙四十年中心骨痛白頭苦
作鴛鴦夢故劍猶思鏡裏鸞新墳已葬釵頭鳳莫年清淚
向誰收香炷蒲團縷縷愁無多亭榭頻更主半死梧桐尙
感秋廣漢姜郎寧悔錯琵琶莫唱風波惡紅酥垂手酒猶
溫柳絮過牆情已薄國恥填胸恨未平憂時戀主可憐生
詩人豈似朱翁子孝子忠臣定有情

守風燕子磯登永濟寺閱壁間戊辰舊作棧觸移時

二僧復出絹素乞詩

二十年中兩度過尋鐘又復看杪櫺龕間衲去枯禪寂壁上詩存逝者多興會全非波滾滾江山無恙髮髭髭重來已撒縣崖手覺岸難登奈我何

獨泛西湖詠古偶作

韓園葛嶼跡相承如彼君臣說中興誰念銅仙辭北闕但憐蘇小葬西陵極天戎馬將軍帳徹夜笙歌宰相鐙只有孤臣銜淚去芝山亭下恨填膺

荷香桂子唱新詞立馬圖傳塞上知勝地鸞花招飲日游人燕雀處堂時興亡已過春如舊哀樂無端酒不辭一樣南朝歌舞地只堪遊冶莫尋思

樓空

白靄若江橫羣峰隔水生樓空收月氣林迴出秋聲子夜人孤坐雙橋火獨明霜天好寥闊辛苦雁南征

題史道鄰閣部遺像

乾隆癸未正月予於燕市得公遺像及四月二十

二日家書卷子藏閱十載壬辰客揚州公裔孫開純秀才求假摹一幅以崇守祀圖成屬題幀首

士不飽不先食未授衣不先御短小精悍目有光廉信與下均勞苦國史大書如寫真鬚眉凜然社稷臣生不逢時死得所雲臺麟閣嗟何人遺言欲塋孝陵側公屍已潰那可得梅花嶺頭冰雪魂生死南枝最孤直袍笏作身將作

兒文璧子孫非我支請看前氏旋螺髻換出新霜兩鬢絲
公當蓼賊謀兵禍半夜朱衣獨危坐神光照人賊駭竄始
信相公難得臥彼時狀貌若此圖斷幅流傳半有無偶隨
神物金函守終使兒孫鐵筆摹挂向祠堂生氣勃伏臘年
年採薇蕨南都戰壘草連天北嶺梅花香到骨吁嗟乎公
不講學不立黨遺大投艱毅然往宗澤難平統制譁張詠
空畱益州像家書紙紙飛血痕容衣誰揭小東門不如柴
市招魂葬齒髮猶歸信國墳

哭汪魚亭訓導

夢尸方得官吉水下凶聞一黿歷三月畢此窮薄運螺川
俗儉陋弟子出寒暖哭寢來幾人誰實任君殯諸郎插玉

荀苞籜猶未褪薄祿了升斗瘠土無尺寸母老弟復貧何
以發歸櫬君本欽崎人豐年獨飢饉飄搖三十載狼戾友
朋賑每當寢門哀慟欲以身殉至情感同類古誼益相親
苦吟心幾瘁使酒氣一振才名達千里鬱鬱抱孤憤春雨
滋萬卉莫轉枯荇潤樂哉文字飲喜極必加慍同儔互疑
駭各恐語言峻知君我最深嘲謔解瑕毀苦心輒蒙恕咄
咄施亦僅豈忘酒德頌借洩飢腸恨破屋納風雨賓至飭
厨餽賢妻具雞黍銀釵每辭鬢深觥略酬酢雄辯疎揖遜
主醉拍案哭客嘔踰牆遶潦倒塵坱中莫解蓬蒿悶五十
膺師儒百逆歸一順忽爲官所腐奚我溝壑壅吾儕乏恆
產生理若朝露况竊雕蟲名未死美先盡身在傲軒冕身

歿慚負販憑誰托孤寡欲飛不能奮九原見楊屋執手有
同忿痛君還自傷吾身亦終困

題瓊花觀圖

庭內栽花晴雪光井中製藥丹砂香神仙游戲偶一露井
不可入花難長天神地祇別郊祀富媼憑誰傳姓氏蕃籬
立觀闕千秋求福迎祥都已矣瓊花自是揚州葩入杭入
汴皆不花露盤移去絕沆瀣羯鼓擊破無萌芽李花楊花
開落頃換出冬青壽年永洛陽爭獻姚黃嬌建州各進龍
團餅阿麼羣芳列金屋不在區區一枝玉蕪城本是帝王
家稗史流傳非實錄紛紛烽火照南都禁樹觀花幾次枯
孤亭尚剩無雙字絕豔空圖第一株轆轤取汲春泉滿地

底疑通九仙館試問丹房白鼠身可有神鞭爲收管玉鉤
芳塚草不青玉勾洞天春已屆道人夜打梅花磬驚起秋
原萬點螢

同魯白暉侍御白澄山司馬宴金山江天閣題壁

萬馬飲江山拜佛一鼇擎柱海當門虛無不礙天原閣倚
傍全空客自尊指顧雙姑稱伯仲牽連八陣作兒孫底須
更動凌雲想起拍闌干酌酒痕

去天離地幾由旬便有雲遮上界身燕雀豈知黃鵠健魚
龍終讓白鷗馴鼓聲落手同軍令鈴語低空喚渡人一任
春潮爭起伏看他孤立總嶙峋

江孝子詩

右臂之內不可療母左臂之內不可療父兒身親身親已
亡血肉之軀亦何補朝視母墳夕憑父棺茅堂淒淒臘日
苦寒諄諄出出妖鳥語風卷檐茅棺莫舉孝子拜火火弗
許飛廉揚揚祝融怒抽刀斷指驚祝融神急止火神反風
父棺不動孝子死老翁叫孫孝子起翁欲告人兒止止翁
拾斷指裹以紙丹徒舍人啟衾視右手垂垂缺小指兩臂
創痕況若此把筆傳之淚如水江家五世居丹徒兒名延
祚未讀書生年二十但知父與母不知肢體爲我有呼爲
孝子兒不受倘以爲言兒卻走父曰懷德祖曰珩聞史書
之存姓名事在壬辰十二月孝子不願

朝廷旌

京口宿袁春圃觀察衙齋

來鴻去燕忽相逢，便覺情懷較酒濃。
官燭燒殘眠不得，隔城聽打蒜山鐘。

鳳凰臺獨眺

山死空排龍虎勢，臺高不見鳳凰樓。
六朝虛遂中原鹿，十廟猶鳴半夜雞。
湖背祁連埋衛霍，城南孤竹祀夷齊。
天花落盡星如雨，人是蟲沙馬是泥。

花谿泛宅圖

麴塵乍染宮眉葉，脂暈初迴含笑頰。
暖氣都從錦浪生，柔波恰共春羅疊。
數聲漁槳出鷗沙，入饌萸蒿與蕺芽。
嬌兒嫩比谿邊鴨，小婢娟如岸上花。
釣徒合向烟波老，不辨吳

潞與三泖誰偷谿鏡照妝梳自展蓑衣栽襍祿江鄉屋小
野人居繞屋荷花萬頃餘門底谿流壓箕頰船中家具雜
圖書烹魚煮酒搖船去醉臥蘆汀不知處我亦江湖泛宅
人柳枝遮斷桃花路

王文成驛丞署尾硯歌

并序

東坡題墨妙亭詩斷碑一片存十二字凡四行行
三字曰鐙他年曰憶賀監曰時須伏曰孫莘老高
廣各三寸長四寸文成謫龍場時得之遂以背而
作硯左刻守仁楷書二字右刻篆書陽明山人四
字側刻分書驛丞署尾硯五字墨光黝然可寶也
流傳二百年入大司空襄公手公繪圖索朝貴徧

題之癸巳仲冬公暨至揚州予迎哭之公子行簡
孫元復出視圖相示曰公生時以不得君詩爲憾
時方爲公撰墓銘乃濡牘墨作歌嗚呼一斷石耳
得兩公知己以傳而況於人乎痛何如也

書者蘇文忠銘者王文成寶者裴文達片石同連城殘甃
斷碣雜瓦礫真視不損真手擎我遊墨妙亭壞牆無一碑
誌載元人守湖州麓砂大石皆磨治坡公遺跡定同碎購
買斷缺藏者誰龍場驛丞偶拾得破案取以陪松滋當年
鐫搨印萬本墨氣透骨香沁肌以背作而兩作底題名署
尾煩鐫錐兩公言事得貶謫筆硯階禍當笑之司空文字
潤鴻業不與往哲同嗟咨爲圖索寶重手澤若覲二考持

相遺後來視今猶視昔
耄翁吟寫真前知胡貴題詩公念
我轉眼電光敲石火哭公斷岸感風鐙
入芻蕘亭猶未裏
公有兒孫守硯田
喚我續寫谿藤邊
先生默待補亡句
弟子泣賦招魂篇
我聞敬宗遺視杜家寶
許換東坡墓銘槩
姦臣遺臭石可碎
唇鋒銳絕孫莘老
此硯流芳自兩賢
器更以尙書傳吳興
太守尙及見重向亭中
嵌一甌

聽射示兒輩

老夫百事拋除罷
不能射虎南山下
臥聽兒曹鳴鐃聲
尙有雄心暗傾瀉
腐儒章句談孔顏
勇者自矜軍旅嫻
坑中鬼食趙括肉
島上客罵田橫姦
大將登壇建旗鼓
喜動沙場鬪體語
天弧矢直貪狼誅
壁壘星移妖孺虜
我聞昔人

教子求公卿琵琶學唱鮮卑聲不如腦後弓弦餓鴟叫負
弩殺賊嫖姚營昇平文士習詞賦才略經猷皆末務寒門
仕宦計米鹽乳臭簪纓炫紈袴曲難求有用材蠹魚雖
飽亦可哀汝曹既識一丁字兩石之弓奮力開

羅兩峰 彫畫鬼趣圖八幅題者殆徧無分詠者乃各
賦一章不切爲陳言庶幾免夫

三尺之身二尺肚一臂一脚相爾汝醜醜索索來周旋儂
是半人君是蠱祿山捧腹華元奔奇肱國主柔利民九原
邂逅各有真生時滿腹藏經綸由來獨步誇絕塵魑耶魍
耶皆遊魂嗚呼一手一足之烈豈如此爲人不全且爲鬼
防他笑出腹中刀相逢莫罵彭亨豕

王家僮約太煩苦鬼奴嘻嘻隨鬼主主人衣冠偉且都如
何用此疋羸軀但有筋肋無肌膚無衣無褐但有襦破帽
籠頭纓曼胡徐行掉臂學腐儒吁嗟乎餓鬼啾啾唬鬼窟
不及豪家廝養卒但能倚勢得紙錢鼻涕何妨長一尺

色界塵緣不能了陰風吹妾紅顏好感君魂魄尙相親娼
室從容可偕老誰其送者白衣冠無常使者搖素紉鬢邊
花氣吹幽蘭使者嗅之心喜歡火城鑄柱吞鐵丸愛河腥
穢揚波瀾此語可怖蛾眉攢使者則曰否若果禍爾吾肯
鯨君不見南山進士且嫁妹河伯娶婦鬼擇配男勿避婁
猪女勿羞金夫地獄雖多有若無

侏儒飽死肥而俗身是行屍魂走肉拄杖支持二尺長形

狀輪囷嗟躑躅紅衫小兒笑盧胡世間有此小丈夫
僬僬之人可作腊海鵠欲下吞螻蛄短鬼曰嘻魃不可陸栢諸
君不如我君不見郭璞贊蔡邕賦陸倕生時智過軀故鬼
能令公喜怒

龍伯舉足跨數峰夜叉食人如斷葱焦山有鬼長十丈每
借颶母吹防風綠衣新裏倚如骨脚插寒江脰難沒枝葉
作手樹作身翠篠崩髻作毛髮齒排利劍口血噴半夜俯
瞰空王門書生喝鬼鬼倒退碧雲閃出青天痕芭蕉堅固
可成佛柳汁染衣是何物迴看山根古鶴魂道士緇衣來
步月

長頭僂背老復醜形容疑是承蜩叟劉元進關三尺臂陸

判官神五斤手兩鬼相逢正相詫小兒見慣夫何有不能
取戈印不能畫圓方大夫竊三命但能走循牆並鬼國
伴兒戲三頭共齧油鑊湯可憐賈遠范岫插博學死去修
文未爲樂不及陰山樹上通臂猿椿鋤飛來隨手攫

冷風吹雨迷離極破繖遮頭行不得繖上繖下頭轉側電
閃雷轟無處匿濕氣浸鬼鬼氣濕不識誰家有蓑笠乘軒
張蓋慎出入別有鬼官分等級窮者賤者走汲汲九幽寒
重鬼呼吸魑魅淋漓相拱揖漂蕩田廬非我急溺者紛紛
喜來集噫噓嘻幾時白日照黃泉散盡陰霾鬼應泣

莊生擊馬捶列子攬枯蓬陳人至樂有如此孰爲鬼雌孰
鬼雄落木陰森棺蓋舞骷髏起立作人語明眸雖滅皓齒

存白骨猶撐玉肌腐生王死士辨者誰兒女英雄吾與汝
鳥鳶在天蟻在地五尺豐碑一抔土鬼中諸趣妙難尋生
人苦海自浮沈不須普給瑜珈食畫者真存菩薩心

白將軍

雲上

歌題榕門相國尺牘後

白將軍身長七尺如玉山三十登甲科宿衛天闕閒入隨
羽林郎出翦雪案鏐有用之書恣意讀不止六韜三略填
其膺江南古有太湖賊以船爲家水爲國殺人劫財爲耕
種岸上官多拏不得白將軍領水師改裝入賊賊不知遇
賊卽殺無子遺聚賊之船焚賊尸鼉鼉蛟蜃遁入海太湖
萬頃開玻璃佔人甯睡無人窺城鄉賊竄不敢逞營門高
曳白字旗萬民朔望來拜之試看嘉湖常鎮風竊掉尾去

不但吳中夜敵閭閻扉桂林撫軍當此時手書尺牘褒美
詞賢哉將軍好男兒上書戒氣矜下書勿矯激秉公持正
平其情守此官箴不可失將軍寶之如尺璧從此宣威多
隱德去吳江來揚州揚州人喜吳人愁奪我父母不可留
淚滴別酒同江流將軍大開揚州營兩城安肅四野清忠
信感被萬室寧百姓願作將軍兵揚州旱火四起揚州潦
薪斷市屋燬數家愁薪斷萬家餒將軍救火向火飛騎屋
似奪火馬馳手挽天河水淋漓火鴉火鴿絕狂奔火神迴
避白將軍將軍救餒如救焚鞭撻瓜船移積薪薪船帶雨
不敢停銜尾紛紛來郡城炊煙萬縷柴價平添鼙鼓腹民
長生婦孺愛說將軍名文官無此得民情刁斗不驚一郡

樂忽報淮陰盜烽灼公然劫官斬關鑰兵吏束手誰敢攖
有急則倚白將軍將軍正馬從天躍穿幽涉險逞機變散
金如土買盜線萬難千苦竟得之猶有讒夫沒其善將軍
辦盜乃辦公豈與庸人攘厥功分功諉過總不計入覲
天子嘉其雄將軍平生一知己手迹雖存相公死買絲繡
此十行書蒼茫滴淚如鉛水

爲張惕菴

號陶

前輩題東坡玉鼻騂券墨樹本子

史官作史史闕文大夫畜馬馬借人春秋晚季已難見東
坡古義今猶存贈馬還書券一紙遠慮拳拳故人子涪翁
定值索高價二十萬錢誰辦此方叔誕妄應數奇福命不
及章惇兒萬事秋風吹馬耳塞翁得失徒嗟咨玉鼻之騂

出天廐豈屑低頭計芻豆儻州黃州等伏撻汗血無期傷
老瘦人生馬齒無百年公遽泐石千秋傳杭州久入宋版
籍錢家鐵券真可憐時子瞻出守杭州先生出宰山水縣萬里滇
黔疲馬遍相看都是玉堂人文章笑我書驢券相如老去
賦猶能歸去三山蹇獨乘與人共散應無憾晏子之裘束
不勝

賣牛圖歌爲兩峰作

田乾無處用牛力田家不忍殺牛食完糧要錢不要牛賣
人不及牛身值人牛餓死爭早遲且換死別爲生離牛別
牛宮不復返全家哭送牛何之相依日久同畱戀雖受鞭
笞牛不怨殺身有補拚酬恩奈何只賣錢三貫錢上爺肩

牛付客掩面兒嘸難捨得眼前卽是生死途豈但蹊田判
南北皇天生牛任至勞餓鬼劫到不可逃鬼神豈不惜牛
命凶年棄去同秋豪菩薩心腸聖賢手畫之味之亦何有
君不見安居骨肉每低離何況飢寒難共守

典牛歌

賣牛圖就延牛命富家忽下收牛令牛來便給典牛錢有
錢來贖牛便還長者之門萬牛託窮鳥投林水歸壑可憐
穀穀得全生牛僧耽耽不能奪天心轉處雨暘時農夫稱
貸爭贖之離妻歸室逐臣返再服犁耙游東菑一家典牛
萬家笑積穀如山不肯糶寧將剩飯飼雞豚未許飢鴻乞
梁稻吁嗟乎爾曹自作多牛翁豈識銅山轉眼空從來水

能成佛何苦輪迴牛角中

開先漱玉亭

羣龍愛山居得閒卽奔舞巖巒偶失扁驚練奪門戶我來
水精域坐與雷霆伍塞蛟不能留絕壁字可數飛湍擣虛
潭晴雪劈空吐既落先走坂初飄箭辭弩壓面雙劍峰割
裂萬雲縷其源遠莫測雨瀑若垂乳委蛇併一洩厚地失
其土如聚金剛力共擊甘蔗鼓山眉洗益壽石骨浸莫腐
分支入江河接漕漑農圃小別卅二年照我須眉古欲借
諸峰泉散爲天下雨

三峽橋

五丁劈鑿叢餘勇不可遏揮斧匡君廬地輪乃一豁留谷

失其守鴻溝竟遭割愚肩已破碎媧煉難補幹谿空匿奔
雷壁陡排峭闔獸獐牙爪利陣窮刀劒拔神幢倚金剛佛
座湧菩薩姦或來窮奇鬼或聚羅刹黃河失故道天漢落
深韜穿貫谿衍中猛力恣騰跋遮闌或稍畱控扼愈跳脫
擊空或絕叫觸險爭倒喝濡尾囚冰狐灌頂死旱魃束之
遂并逃障之乃四達水威挫益雄石性煮逾辣誰能移柱
砥孰敢用鞭撻老僧西客坐淪茗解枯渴墜淵神自全出
峽倖猶活目眩左耳聾入蜀意已奪

棲賢玉淵潭

山泉九十九會趨三峽礪上流豁龍宮其下飄雪練潭中
眠老龍以水爲養豢腹滿不可貯倒噴激飛箭佛鉢未肯

收促迫風雨戰白煙凝蛟涎濕氣走雲棧石剛水則柔相
敵翻屢變我來再垂餅可漱亦可嚥石陂古人字剝落嗟
隱現李渤去已久但有空王殿誰爲羅漢身指月淵中見
焚櫻行

羅漢甫名仁美歛人居江都繼娶龍游李前妻遺子六齡
名阿都十三齡女名宦姑繼妻皆撫之上以事老姑嗚呼
李夫人生女才一春牙牙索乳哺復有八月身記得其年
歲在西揚州孤軍不能守四月圍城旦夕破羅家繼妻樓
下坐命婢菊花積薪繞高樓上堂拜姑還自賀喚夫來聽
妾言我家婦女多城破難盡全君力但能負母手攜子其
餘未可累孽率姒劉氏女宦姑妾梅與李顏如花兵來豈

堪爲兵孥若輩云何我志定僉曰惟夫人是聽明日城崩
西北隅夫人一呼衆聲應夫猶豫腳趑趄子阿都牽孃裾
孃曰事急矣擲子投其夫喚婢菊花急舉火婢身入樓足
在樞諸請出出半天赤經甫負母攜子出樓中蹴踏如鼓
聲想見婢娟焦爛急經甫出門去遇卒刃斫之二指墮地
母脫離阿都驚逸誰得知此時性命在呼吸羅家狗來齧
卒衣繞卒人立噉卒面卒與狗鬪主人竄母坐下雷塘阿
都侍母旁狗覓經甫牽衣裳導之見母兒心傷明日還家
撥餘燼十三人骨相俱引樓前一足乃焚餘菊花左股看
不忍吁嗟乎西華門上埋屍處卻是南唐公主墓此時梅
花嶺畔莖衣冠烈婦忠臣相指顧君不見廣儲門內樊園

左中有宋姬堂下火青天白日閃靈旗火裏蓮開十三朶
李約菴扁舟出峽圖

江流飛翦萬山裂劈破西川門戶缺楚客哀縣兩岸猿巴
船命寄千堆雪蜀道之難古如此不許征人說生死豪氣
能平澗瀕堆壯心欲壓岷峨壘太白復見生渝州四十五
年天際頭朝辭錦里莫彭澤別母省父行夷猶萬種傷心
一條水孝子臨深嗟轉徙馮夷不敢弄風濤長使平安到
鄉里畫來險絕况屢經千秋太平不用兵相如罷傳父老
檄劔閣未要才人銘三年兩負山雲嬰今載銘旌悲上峽
生入夔門父願虛歿同幽室孃心冷他年出峽再之官叱
馭迴鞭淚暗彈堅持定力當夷險未可徒歌行路難

出峽

打鼓發船行波濤到眼驚奪門江力健搏雨峽雲爭客倚
帆爲命天圍樹作城巴人愁萬種誰解畫猿聲

守閘

舟蛟截飛流箱峽忽中斷牆撐撐雙闕岸坼縣一棧壘木
垂簾波橫闕插魚貫版築如打夯繩引若牽襟屏籬旣遮
閘壁壘難奪扞門高鎖鑰嚴津要官卒悍云持調水符恪
守宣防箭怒縮比收轡帆落同邦扇排檣插門戟擺斂集
汀鴈欵關窺踰垣畫吟閑越畔遙聞篙櫓喧不與鵝鴨亂
登厓俯窺尋隔戶同感歎程期待三朝出入爭一閘窮鱗
困止水去蜨阻風慢空擎下水船不放流星彈我聞笑啞

啞婦坐語灌灌洪河辭溯洞枉渚樂迂慢轉運關此途就
陸由汝便却將懶情心翻作淹畱怨語塞誰解嘲口噤休
設難無聊聽荒雞不寐成鷄旦譬遭石尤虐敢與波臣戰
解駁苟可期策馬我寧殿任運作行止通塞理各半無礙
亦大難請君游汗漫

放問

當關十夫號積蔽一朝屏譁若館壞垣喊若郊釋警聰若
耳徹鼙明若目去眚如背剔芒刺如喉脫魚鯁如廛上去
針如頷下裂癭如鳥離敗巢如蛙跳古井如鹿辭隍蕉如
條別丹鼎登隨潁叔爭絕比鄧艾逞兩崖吸千篙百手牽
一綆上者懼中懈下者惕前猛雖然策彼衰亦復御其騁

往來或相防出入各自幸推篷罷驚呼酌酒同酩酊前聞
倘未封所願不敢請斯須且快意慎勿思轉境

南唐僧巨然茂林疊嶂圖有賈似道悅生小印

後湖不賜東都鬼秘笈都隨上陽燬降旗影裏畫師身愁
寫金陵舊山水宣和所藏今有無忽見茂林疊嶂圖兩峰
中斷出宮觀戢戢檐瓦魚鱗鋪蜂房燕幕意深遠劉道士
同師北苑互爲賓主畫中人一例雲煙紛過眼學士院壁
嵐翠銷賸水殘山弔六朝姓名恥附南唐史絹墨欣逃劫
火燒悅生小印存無損依樣胡盧送金粉圖籍空畱狎客
評江山暗換元人本我聞同時尚有應之僧柳法妙寫楞
嚴經卽看畫聖遺乾筆誰與書禪續命鐙

京師樂府詞

作使童男變童女窄袖弓腰態容與暗迴青眼柳窺人活
現紅妝花解語慙來低唱想夫憐怨去微歌奈何許童心
未解夢爲雲客恨無端淚成雨尊前一曲一魂消目成眉
語師所教鐙紅酒綠聲聲慢促柱移絃節節高富兒估客
逞豪俠鑄銀作錢金鏤屑一歌脫口一纏頭買笑買嗔爭
狎褻夜闌卸妝收眼波明朝酒客誰金多孩提羞惡已無
有父兄貪忍終如何君不見鶯喉一變蛾眉蹙斜抱琵琶
定場屋不然去作執鞭人車前自理當年曲

唱橋子

冰天雪地風如虎裸而泣者無栖所黃昏萬語乞三錢雞
毛房中買一眠牛宮豕棚略相似禾稈黍稷誰與致雞毛

作茵厚鋪地還用雞毛織成被從橫枕藉鼾齁滿穢氣熏
蒸人氣暖安神同夢比閨房挾纊帷氈過煥館腹背生羽
不可翺向風脫落肌粟高天明出街寒蟲號自恨不如雞
有毛吁嗟乎今夜三錢乞不得明日官來布恩德柳木棺
中長寢息

雞毛房

獨客衣單襟露肘雪中凍裂縫裳手檐風吹面身坐地兒
女爭開啼笑日夫難養婦力自任生涯十指憑一鍼狂且
或動桑濮想蕩子戲擲秋胡金君不見紅粉雲鬟住深院
雙手不親鍼與線笑他女兒性癖習女紅窮人命薄當縫
窮

縫窮婦

偕袁簡齋前輩游棲霞

繖山未云高遠闕了無異平嶠徑縈紆度越久方至長林
夾廣術紺宇出深翠崇墉開開闔上有棲霞宇入門啟仙
都臺觀虛無闕豈惟人恔悅已出佛思議渾言懼多遺悉
數恐莫暨離台分兩戒左右歸一致視聽苟無眩竊願作
詩記

北上最高峰大江落手掌江南地欲浮江北山盡仰天風
吹我衣下挾萬松響壯心忽一動慨然發遐想大千局屢
變六代事已往詎求攝生藥不免埋草莽決眦送冥鴻滅
沒青雲上

題表忠觀

龍蛇走壁勢從橫石鏡冠裳氣尙生不是當時妙音院綠

楊鷺語尙關情

自知骨相輪劉季聊以功名比寶融一笑歸排衣錦宴效
他臺上醉歌風

危言

言字緘三號踐堂南昌人乾隆二十四年舉人選
授撫州府學訓導遷廣東西寧知縣

晚過北蘭寺

孤鳥泣高臺浮雲山外迴殘風傍晚至斜日渡江來水急

濤聲怒沙平雁陣開亭邊燐火起寺有淡雪冷泉亭楚些至今哀

湖淡雪

秋夕湖上懷禹立

獨立柴門外閑雲處處飛湖頭木葉落江上雁聲稀夜雨
得君夢秋風生我衣相思烟水濶何日泛舟歸

汪輦雲招飲江樓步謝際中韻

貧賤難歡聚君今況客中高談憑酒得返照入樓空舊業
山中樹浮生江上蓬心知方滿座何必問窮通

江西詩徵

卷八十

美

江西詩徵卷八十

江西詩徵卷八十一

南城曾煥賓谷編輯

國朝

張 銘

銘字新盤號警堂南城人乾隆二十四年舉人官
松太兵備道罷歸主揚州梅花書院講席著有警
堂漫存詩草

讀史偶然作

丈夫重節概文藝乃其餘咄哉莽大夫寂寞草元居執拘
半山老誤國在誤書情乖性以移荒謬喪厥初文章空垂
世名實總難誣千載憶其人未嘗不歛歔

襄陽懷古

山南形勝楚雄疆雅藻名賢總擅場
文選尙推梁太子詩篇羣仰孟襄陽
崢嶸高閣紅雲斷寂寞空山紫蔓長
愧我天涯漂蕩客幾回瞻眺幾神傷

下第出都留別在館諸公用倪敬齋別邱一山韻

最是離聲聽不得十分哀怨寫商歌
世情淡似秋雲薄心事紛如積雨多
已見知交同渡落難將妙語慰蹉跎
江頭羨有忘名客一枕清風夢薜蘿

初冬襄陽署齋四咏

小序

冬序旣更凡花盡謝當客情之振觸遂對景而歛
歛各賦五言合成四咏寫秋聲之餘慨繼零雨而

增傷云爾

敗蕉

移得蘇臺種參差綠扇攢風霜催口暮籬落伴凋殘曾以
新詩寫還同舊雨看豈無松柏茂念女太蕭寒

枯藤

不須傷老大弱蔓委荆榛冷落三秋圃飄零一架薪灰心
難爛漫刺眼尙紛綸惆悵秦淮海三生認此身

荒菊

不殖還同我金錢訝許圓癯容侵暮雨冷味澹荒煙未肯
逢人笑寧能受世憐關情彭澤令猶憶舊斜川

殘蓼

菰蒲經別後榮落此園中有穗饒霜實無顏耐晚紅草蟲
過別徑寒蝶戀餘叢掩抑東籬畔蕭蕭起夕風

冬初彭二藕香出秋思近作索和蓋玉露凋林每
發吟望之感而穠聲在樹能無太息之音言有淺
深慨同今古偶余懷之棖觸遂依韻而率成以寫
近思不作詩論也

搖落清秋感萬重終朝誰爲砭疎慵遠城蕭颯千行柳伏
枕淒涼五夜鐘華鬢銷餘仍鏡滿新衣理罷復塵封爲憐
日暮寒鴉起同是天涯慘淡容

過磁州口號

淇園菉竹已無留銅雀荒臺起暮愁汴水過來三百里眼

明猶見古磁州

早過邯鄲盧生廟二絕句

快馬衝風急添衣敵曉寒平生無好夢醒眼過邯鄲
仙枕緣難得黃粱飯未成世人渾是夢何處覓盧生

銅雀臺遺址

浩劫繁華歷幾春鄴臺衰草遍漳濱可憐情盡分香日
輪與開門放婢人

平原道中見漢大夫東方朔故里石碣戲成一絕

歲星猶自說當年避世金門亦偶然底事侏儒成飽死
輸他饑死得爲仙

陳奉茲

奉茲字時若號東浦德化人乾隆二十五年進士
官至江蘇布政使著有敦拙堂詩集

假寐

書有說部誕紛若陳百戲愁極聊取觀情如避火至積感
神自昏爲歡趣終僞對卷忽成憶惘然似假寐昨昔辭京
城結交事方始稍稍出詩篇往往道名字恩門實多才尤
篤昌歆嗜昌黎與山谷筆幹蟠大地予其受以蒙養此物
之穉歸歟少沾染風日恐憔悴謂錢再拜聞妙語低首心
中事病夫仗藥石平人飢忽截將羽附毛體搶榆謝騏驎
物理務所安謀身豈一致四顧無上策百年任軒輊海內
驅窮儒城邊避下吏匹馬魯道病屢脈燕臺試支離狀雖

稿疎放神少累采石吟晴江棲霞嘯晚吹鼓棹輕洪濤出
帆數蒼翠歸舟見郭門薄岸逢友使有問口不發相看色
何異老母迎中門未語先流淚子出孫鬼奪子歸婦天賜
入房無孩聲寒帳婦不類已聞具棺槨且復求藥餌醫婦
等爲山黿勉方一簣似以伉儷重遽掩鍾情意寧知雙眼
明十暗減三四園中盛瓜蒌舍後匝蓮菱到家物正美在
遠心早企路見和州農女力男不啻雙鬟頗帶花兩腳不
著屣兒一負一抱仍看牽烏犢深覺健婦好因想入門媚
負書雖足憇下紉豈無思十年貧病妻平生賓友誼定呼
學語兒挽鬚爺不忌老母顧且笑共飽甘餽饌此景亦不
惡何必身已貴世榮求必得如險尚可繼殤者不再生如

破卵無孳徒枉故人札招邀誘盡醉欲往復坐愁預畏見
童稚以茲成枯禪玉筋欲垂鼻緣衣任螻蟻問景從魍魎
方喜睡有魔無時入吾背頻頻與好夢躍馬食肉備醒時
一讀書讀已復引睡魔也有斯神殺牛祀床第

得座主錢香樹先生手書奉呈一百韻用杜

桑苧春風裏湓江古道邊夢時無異地別後有流年家謝
中人產身偕上計船虛歸轉狂極遠念獨茫然畫意家常
住書聲里載遷萊鮭營遠市草木記成篇柳巷兼風闊磚
亭抱日圓荒園多帶井野樹動參天宅畔行來寂城南景
最偏藤花連數舍烟寺點中川下榻頻年寄尊經一閣懸
帙細黏蝶粉墨潘染苔錢雀噪終朝耐鶯啼幾處憐主歡

傾美釀童敏汲名泉談笑從冠側游行任履穿俗流稀在
眼鄉叟許隨肩頗愧經師席方羅弟子員丹黃紛校閱問
蒼莽蚤緣靜坐觀心動勞思謝腹便修名虛歲月教學逐
風烟標格寧無好提攜且復前琴師聞海若丹竈屬真仙
倡和三春起才名一郡傳抒詞爭爛漫流韻引潺湲甚愜
當時賞還生徑寸煎音防淆雅鄭臭必別香羶湖水唐名
蹟山林晉法筵文章留故蠹人代逝秋鷗求是寧皆合知
非在早悛詞場迷傀儡樂府亂戈鋌作者今方盛名家不
易權用才訶倆錯踐迹厭拘攣邊幅量何窘瑕疵悔未蠲
清仍慚白戰博且愧遙眄底柱頽波轉崑岡寶氣全朝官
白居易內相陸忠宣筆手賡

明聖門牆領俊賢歲今逾十二路昔歷三千流派西江在

依光北斗先科名知愧縮使節有聯翩

公丁卯庚午續來典試

滕閣

楓邊酒徐湖菊裏絃中丞邀翰墨高唱脫蹄筌刻石長留

矣雕顰欲問焉敢云輪靜悃所願奉周旋屋愴烏頭白山

迷豹澤元此時風攪木何日玉生田獨處逢人少諸侯貢

士連齒增行漸塞春至氣猶鮮桑老方推轂

桑炭甫水部

春江

自扣船過都徵地志對景擘濤箋最好平山興真成盡日

牽長橋紅縹緲遠隴翠迴遶有石驚堪拜無松愛可捐爲

山蓄雲雨築館納淪漣

馳道觀遊華

行宮等卜瀝歡聲動淮海遊屐滿郊阡榮遇期簪筆飛騰

且著鞭征途雲滾滾驛樹露娟娟

北闕巍瞻鳳西清貴珥蟬許公才不小王氏業尤縣插架

難窮軸登床試問瓊國華非繡幌古艷鄙粧鈿謂公子東麓司寇

再到東齋屋還知舊築椽梅開石牀畔槐蔭薛牆顛彷彿

公猶侍聞知病且痊吳人三夏扇西子一湖蓮畫手模光

頗詩豪避老拳仍蒙寄雙鯉失喜飽三鱸公來詩聞子已就廣文一席蓋

也息影同雞柵消形信馬羈病妻魂惻惻喪子淚涓涓質

物羞隣庫徵租沒水壩貧交嗟計拙舊僕感憂纏放眼唯

孤忠冥心好晝眠百端紛外寇一念守中堅白日浮雲改

青松積雪妍圭璋終特達燕雀但低翮下質誠無比中途

詎合旃塵埃通劍氣江海入星躔對客豪王霸開懷託鄭

虞

謂宋廣文

扶輪懷大手成器賴良甄檣櫟當途置驂駟首路

駢同門皆奮跡下戶獨爲編鄉曲聲徒滿漁樵計未專識
昏思水鏡性失問韋弦師就牛醫子疑參馬祖禪心清從
去礙意得不煩詮白屋原宗魯青雲日望燕詩流推稷契
文士譔淵騫蕩蕩方歸樞休休正接延市唯收駿骨競匪
角蠅涎阿閣長棲鳳天津永絕鵠貧固有道恥誤更失時
沿嫁冀兼嫖母仙甘後僮倭不成逢筏渡何處得褰裳河
飲精殷風天冲勢極焉但能呈一得肯計侍三愆手跡欣
遙捧心銘欲細鐫林禽時瀏亮江草日緜芊受教增新感
臨文起積孱金鐘還待叩玉尺總歸銓

過桂氏舊居

主人皆安在入室情靡託亂竹已披戶靜苔復媚閣屋材
輝尙新宴飲記初落往往羅食客時時會聲樂門前湖水
平盪槩菱芡絡舍旁農事興騎牛雞黍約胡爲棄茲去竟
逐城市樂雖無歎逝感風雲何寂寞老農出中閭怪我朱
顏惡莫問舊年少撫衷兩歎愕

山家秋夕

湖上送稻船渡我南山下茂樹曲成圍中有幽人舍躬耕
挈僮僕築室兼茅瓦穫事方滿前雞豚散林野牆隅積空
缺家釀豈罄瀉日入會晚食吾臂亦相把山月照人顏一
一能醉者隣翁來釀錢後日作秋社

田家阻雨用少陵昔遊韻

霜蹄策而飛爭捷雨師腳電掣超斗塹風邁穿林薄遙望
隔水村中情正前卻坡轉屋忽得下馬萬響落攢笥暗虛
空洪鐘撞大鑿坐看神理王寄處儼增廓大兒頻拂鞦小
兒稍隱閣雲中墮陽烏木杪棲田鶴就宿土室偏客况非
曩昨猶蒙進苦茗澆渴勝良藥買粟酬馬勞沽酒取僕樂
僕老多醉態曹耦走相索顛倒泥水內翻使厚意薄布被
藉用茅殷勤荷主諾私念免沾濡終已保孱弱何異師迷
道天幸與衛霍

夕望

時方授徒

未撤橫經榻聊登倚樹樓寒蟬兼鳥暮遠水帶雲秋歲月
隨童子身名隔勝流從來搖落意併在索居愁

江上廻望香鑪峯

匡廬轉迢遞香鑪秀孤峯色立寒氣正情留去人濃東林
初識面上流若爲容始知孟襄陽表此開奇胷江豚動浮
日渚鳬會晚風落木楚塞闊懼歌巴船逢家室幸得將桑
梓猶懷恭草堂戀宦轍况有籃輿蹤登臚眺旣切陟岸脊
彌重蒼然水烟渺曾是歸雲封

峽內

落石猿猱舟冥冥峽向夕月依斷崖高天叟寒水窄脩蛻
挂虛景蟄雷殷峻隙太陰無錯雪旁有谷口名錯開峽皇古已勞剗
但覺相高競豈知入幽壑白帝迷所居神女牽蹙迫忽然
燒絕壁慘澹屯雲赤人火徑不通落霞嶂已隔吁嗟何物

江西詩徵

卷八十一 國朝十七

八

爲作此奇異迹夜夢屢驚泣舉家畏途客

夔州府

日斜孤帆曠夔城始在地渡頭散人聲山色低鳥翅不知
江未束誤謂流已肆雖殊安土情似緩驚波意入舟慶老
母出舟窮遠視西知天有餘東望峽已闕卻問灩澦堆長
年煩指示奇姿混黛色少小知名字失之晚飯間頗自嗤
俗更無心計象馬且喜蜀道易

咏灘

飽識艱難狀前聞險阻名巴郎心已破吳客咏還成觸石
來初激撞船去太驚珠流正圓撼玉水忽方呈斗落歸墟
會潛分放溜行欵然皆倒捲終使益厓爭萬物低昂極三

光隱見并自成風發勢巧作雨飛聲洛水今還鬪龍門古
不平再聞鞭巨石卽見跋長鯨大集阿房匠雄呼鉅鹿兵
張儀辭反覆劇孟氣縱橫虎窟深通窓鮫宮下避鉦支持
羣力盡轉側一家輕鼓施方知送掀舫尙欲紫朝來攬青
鏡惟見鬢霜生

煎茶坪

諸山將趨太華峯峯學作太華勢太華奇絕不可學如
心嚮往惟未至負陰地絡無驕陽征途不畏夏日長無窮
草木有今古令我僕夫徑息裝老夫徜徉莎爲藉臥視天
雲也學華睡美山鷺喚人醒藤花香過妙於麝聞道昨日
虎食驢巖椒耕叟方揮鋤人生毒龍入鉢底堪遣猛獸馴

庭廬

馬道驛傳是蕭何追韓信處

棧道已燒絕前途去何之王孫不復計丞相自來追

查方伯招同亦園送秋分韻得寒字

一盃酹向青城色萬里收將白帝寒事入田家爭報賽情
深騷客倍盤桓好詩細檢前期菊淨日斜通有節竿此會
勝流無不致壺關高興重追權

奉樞舟發晚泊近郊卻望觀音寺舊殯舍

解維仍近泊廻望舊招提雙樹人還散孤龕佛可啼無風
深竹響當晝野禽棲今日方思痛疑眸意轉迷

過蓬州懷徐明府

臨津爲市通隣路宦跡當年數往來沙際城門穿圃入樹
中齋閑瞰日開故人欸酌憐同病罷吏饑驅感七哀獨有
夕陽天畔塔船窻百轉送沿河

又過博浪鼓山

宦轍迢遙老不歸頻來絕境趁斜暉天垂地底根皆見石
上雲端骨欲飛頓轡長鳴猶馬力揚旌獨戍亦兵威書生
得此殊榮幸何怪人言貌尙肥

早發靈石縣

征夫心憚暑風駕始宵分汾水漲流月霍山橫見雲

君恩容久宦

逋道秋滿蒙
子留任

交道益多聞涼入車茵裏安眠

及大昕

過相嶺

相嶺行多異見聞朝來新霽昨雰雰素輝細裊千林凍赤
氣微含百變雲句日返歸誇列子殘年高臥憶匡君陰山
老馬餘知道會逐驂驪立戰勲

歸治廨出省城日作卻簡林觀察

一出城南意有餘春郊雨足放晴初海棠移樹蜂隨路江
水生鴈鴨滿渠遠似歸山安宦轍近教種柳稱吾廬車中
何事尙迴首酒傍竹香書屋書

竹香書屋
林齋舍名

題李約庵扁舟出峽圖

扁舟落手江得地最快人生遠遊意西陵東頭一放眼已
見鐘峯出空翠孟公圖裏吾家山逢君驛路車班班但驚

凌雲賦上口未覺行路難
凋顏萬山截流江不已
古來舟人太陰裏
日困矛頭未忘漸
徑穿虎穴真得予
此中之險安在哉
我昔上峽衣尙萊
有禱不敢告
母氏黽勉談笑輕
灘雷水亦爲之殺
其怒猿亦爲之平
其哀幽奇能感大家
問知爾欲賦難爲才
長年船載謫仙出
白帝黃牛爭入筆
執器南行聖許隨
碎琴都市人皆慄
海內賢豪樂求友
京華重見情更密
今歸教授巴渝間
下里移風事可必
書來索題出峽圖
老滯江源神不娛
巴船尙多初服在
安能倣我以所無

劍州

天畔孤州劍作城
麥苗新綠滿山程
古來驛路猶看栢

栢

大數十園卻趨閬中

國初驛路尚然

秋盡關門尙聽鶯難更勒銘摹地勢

惟應攜酒寄春情郵箋屢報追風足老馬爲駒受寵鳴

新撰

四川
提刑

題王桂舟方伯望峽圖

奧曠趣莫兼在峽唯見峽昔我曩履來初驚鼠穴入兩崖
昧顛頂千狀逼眉睫日車墮復掀坤戶撼彌閭高情寄猿
表矯首出帆立此物惡長嘯下石幾著舁舟人戒深藏盡
目等蝸蟄未信幽阻外巴梁有都邑精爽忽飛越丹梯卽
時躡奇峯動朝曦明豔翠光濕真見古神女雲中垂綢葉
卻指灩澦堆微茫俯堪拾狂呼吾師才作賦臨合沓今日
圖畫裏夫子宛相及天衢霖雨姿元氣滿顏頰洞庭澤常

通井絡福已接

君自湖南移蜀

平生率坦蕩何處爲險阻巖巒紫

驂駟杉樾擁袴裙應念疏鑿力萬古續樓牒上溯移山遲
乘流激箭捷飄然動高吟船具咄瑣雜點綴荆州記物象
渺涵納上言觀海初百川壯噓喻及茲感江源興似坡老
集下言去巴賓鴻爪寫衫笠所以恬澹懷由來信交執蒼
生方屬公竹馬正騰踏卽看灑東西風光樂樵汲英俊皆
已出無人咏烏匱比嶠傳巫廬執鞭亦欣愜

望東山

東山遠望獨勞神自笑經年未到身聲伎流風空曠代林
巒晴日正當春宦情對局棋甘劣詩思乘時草鬪新況復
江南佳麥長非無餘事作遊人

莫愁湖櫂歌

美人秋水眸子明
美人春水臉波生
四時水色此中好
照出愁人歡喜情

題吳蘭雪新田十憶圖

花院奉觴

遊子天涯春菜衣
隔歲暖夢遶板輿
邊酒多花正滿

草堂尋句

出門一詞客
當日閉門跡
梨花照草堂
詩境自生白

柘塘春步

門開柘塘春
水木結心賞
未知京洛塵
魚鳥共來往

蕉陰茗話

茶香生畫簾蕉綠轉清陰此際蘭闥暇芳談間細吟

桐屋讀書

吳兄已歿

誰似君兄弟讀書桐覆窻至今歸夢裏猶自共秋缸

蘇山秋望

蘇山君所思妙語發深趣秋風吹客心落日滿紅樹

石溪鷗伴

鷗鳥漾清暉時來拂釣磯垂竿人未返花草自依依

牛坳吹笛

牛背笛悠揚農歌堪倚曲花開雨歇時老叟亦騎牧

余自城騎

牧

煙隴探梅

獨往探不歸有時忽下拜此意過古人俗物不能敗

稻田聽水

新水帶村煙縱橫入稻田春來滿清聽不到客愁邊

康觀察於睢寧風虎山建周忠武將軍祠二十韻

勝國亡無待將軍死卽休乾坤空百戰河嶽獨千秋入伍知兵法觀時料主憂長蛟除豈盡細柳備何由南八無完指巖顏有斷頭臣心猶一木世事已浮漚共命鸞風奮全

軀狗彘偷降賸爭納賊厲鬼不忘讎妻氏傳蒙古

見毛西河後鑒

錄家山著

八聲

錦州本兼捐馬革遑復記狐邱蕩水岳祠舊

解梁關祀修招魂有凡例數典尙旁搜風虎標新境鄉人說故侯鬚眉存畫軸骨肉譜方畝此地知深戀陪京不遠

求高皇有陵寢先世且田疇立廟逢觀察爲文表僻幽河
雲承大樹雕水薦寒流孤塚猶存代仙蹤或遇流歌詩將
侑享應識往來遊

題曾賓谷都轉西溪漁隱圖

西溪非貴鄉而君於焉漁豈無麻源谷奧曠殆不如問君
何以得佳遊十年初問君何時去日夕未或疎揚州煙花
深眼中一事無平生有畫卷落筆領駢珠古來溪上人歷
歷逢招呼君序四六文引溪事十餘徵事及栗里開懷尤感予山氣領
朝暮林光混榮枯石出潭集網梅開冰上魚攜具隨所務
刺船不用奴迴轉古蕩間未肯出西湖常恐人境迫有妨
歌嘯舒知君抱遠性豈不同懶夫急札索其詩妙語逼腐

儒書生切已事一世乃此須擔當自局內結習猶空虛所以豪傑士曠然翔亨衢我心願同歸我退不可需雖乏天下勝甘棠息桑榆

甘棠吾鄉湖名

遊大觀亭

官非無暇懶登臨恐有風光太索吟才到莫年惟欲盡江逢臘月可憐深遠天旅雁兼吳楚異代忠魂共古今

亭東爲元

余忠宣公墓

柱帖牆碑看未徧一聲牧笛出寒林

風磴雲窗百尺樓仙家香火靜悠悠亦知元學通三島安得蒼生共十洲氛祲楚天須盡散晴暄江日不知愁更憐畦麥方青出衰拙逢年仕亦優

題謝薌泉侍御焦山啟舟至金山玉帶橋對月二圖

焦山興無極鼓櫂向金山海月當橋午江天出世閑斯圖
傳逸氣昨語見真顏感我忽忘老揮豪雲水間

晴牧

溪暖新綠色春竹改故陰意適馬自徐何用驟駸駸茅屋
十步外門前麥徑深童子騎牛出悠悠踰隴吟忽然計平
生詎宜溷華簪陳力天地內此事庶所任役寬時多閒勞
少病從侵入則儲豐芻出亦避愁霖吾牛馴且肥淡然洗
煩襟自署作晴牧可以貽知音

楊柳鋪

雲塞曉途白竹圍春市青僕人沽酒處石佛倚空亭

池上

佳候曠已霽淡然臨小池了了荇澄水萋萋蒲滿涯景晏
絮方亂花晚蝶未離短牆不蔽野微徑從交枝賞遇愜神
理物冥關心期聊倚石畔窓讀我懷中詩清茶故山味小
吏閒鷗姿曾是託官舍陶令爾爲誰

大蓬山次前韻

人聲寒在澗雲氣落當岑明日定山雪一家惟石陰疲嘶
從吏馬饑坐晚林禽聞道棉收薄無衣卒歲心

延壽寺

寶栢存殘製風鈴有斷音叢蘭抽細葉春鳥噪空林未了
一燈在無言諸佛深山僧驚官轍何事到雲岑

亭中

孤亭俯郊坵清坐酬芳節柳色生晴媚蜂聲赴春悅慮澹
身易閒趣深物無劣穆然干青雲何必在巖穴

開堰書事

有人獻計大府於古佛山下編竹籠石加草橫絕江流欲以通水作堰江東別開月

河以通舟楫然堰首地勢本高水卒不可上而月河沙壤旋疏旋壅迄無成功

悠悠羣動長迫迫臨江暮烟火新有渚波瀾倏成路籠石
引修鱗簣沙積松霧鮫宮見籬腳水府收芻賦經流障深
阻沉響鬱潛赴中含沸鼎湯外叟鳴機素巖佛閉年代開
山定驚顧制龍禪未安捨筏人可度忽爲沱東別厥事難
求故重重艣影銜矻矻榜聲互漫訂華陽志將增水經注
江神竟堅頑人力徒廢誤丞簿威加令薄言逢彼怒謗書
倏上騰嚴檄來何遽事理不易白且復俟其悟茫然賦新

詩策蹇照寒炬

松江口

時覽代
州事

幽賞眉州域佳名驛路看烟村開僻遠水石媚清寒野老
澆冬菜山童喚晚餐傳呼應借問墨綬復何官

百丈關

東南一尉屬兵曹洞達重門樹色高天擁羣峰開榮戟日
臨寒水偃弓刀山中蜀鐵輪船滿市上秦聲得酒豪騎馬
從容攬形勝千年成柝亦須操

村店

寒江出千山復入千山去山迴江正轉當我村店暮石勢
潭心虛沙痕岸趾聚隣燈射疎檻暈月臨高樹心清含真

倪境寂領勝趣邱壑既以置旦日何塵路

華陰廟中作

太華開天時三峯亦偶翔凝眸八十里竦削呈殊狀我昔
觀九華兒孫視輩行只欲傾身拜古人才不暢廟貌王者
居屹與此山向豐碑累朝同北周一碑顏魯公及宋元先後刻遊人歲月於四際喬
木三代上有商柏抱周槐一株殿角暮無際依稀簇仙仗雍梁萬山
靈冠佩來揖讓地勢尊一開高歌神色王峯陰橫空來歷
盡關隴曠

對景有述

吏舍塵淹躁不宜吟窓景暇靜方知春池雨過苔生遍晚
柳風閒絮落遲已仕嵇康仍遂懶浮生顧愷未妨癡托身

那費商量策祇在花前酒後時

題畫

江耶湖耶吾往矣漁舟風日不受滓已忘身在官閫中何
人幽意用有此圖中漁舟數得九三舟泊處連岸芷上有
樹如銷夏灣前灣又泊兩舟比別有兩舟竝中流一舟方
漾一舟駛三舟對面來一舟斜掉一舟柳陰裏凡爲人三
十有三一一閑暢多神理不知萬古有愁事樂意交通造
化如三舟鱸上六人飲兩人賭酒方屈指一人把醺但飲
之一人強勸一人抵一人昏醉伏篷簪夢中蝴蝶翻綠水
二婦乳弄各有兒捧杯將進者誰子小兒不飲釣船脣卻
累母扶竿未起兩舟人事無所爲漁罷歸坐長篙一人

支頤僂睡然三人如動亦如弭一人就備迴白頭少者手
將得非餌兩家婦陰布棚立意昵聲低語瑣委中流也復
一家親孃孃婦孺蓬窓底船尾撐篙夫壻姿船頭理網阿
翁是舟之漾兮惟一人撒網沉沉波瀾瀾儂家何在江上
村林徑歸漁總隣里荷竿戴笠行顧語二人不解有背毀
一人曬網遠岸頭布肘橫竿背清泚三舟對面舟主者養
得鷓鴣當僕使拍拍黏上老人竿竿勁手柔專所視少年
捉得不經意迴望飲徒色欲喜柳陰舟上有一人獨令我
心費研揣向來漁態盡俯仰亂頭赤腳蓋有以輕衫葛屨
坐悠然茶具攜來子誰氏豈無植竿懸大網船尾漁夫認
知已烟波好暑張志和簑笠添吟皮襲美尤愛年華與余

似汝豈散材不任仕杳靄青峯搖水花依稀烟寺對漁市
四望澄曠開君意黑頭光顏遺金紫乘流迴轉隨白鷗到
處招邀遇黃綺非關鑑湖乞暮年本是松江一下士歸哉
歸哉莫徘徊屋邊釣石生青苔甘棠湖上舊漁伴待我不
至權歌哀安能鬱鬱青歲頽烹魚買醉視八垓他日流傳
到畫手披圖還復見我來

千佛巖

神功誰所騁剡鑿到穹石造天千佛青無地一江碧虛界
獨安立征途挂今昔龍門題傳訛石概詠可釋前令題此
爲龍門閣
殆誤龍門疑是今名龍
洞豁者此當是石櫃閣不知何處聲長嘯蒼崖割雷雨春
倒懸淵泉夜聞圻房蒙質所稟調御性乃宅伊余爲此縣

敢憚凌鳧舄

送金明府長告歸越中

及壯當從軍不必求封侯將老當休官莫作子孫謀萬里
沙場壯魯服十年吏局埋吳鉤頭風脚蹙人未信自言此
疾無由瘳金川往歲鳴鵠鷗枉矢未及天兵愁轉餉增竈
煩唱籌金錢米粟如山邱軍移我移留我留後時失意嬰
禍尤積聚致寇況可憂雪片如掌羌山陬羌兒下山捷猿
猴矢石非時落臥榻生還敢望今歸休木羊山色杯中浮
舉杯上馬腸又柔分秧雨後聞野謳感培良苗快剔蠹恩
洽災戶忘蛟讎微公其魚俸入鰲崩梁潰涂亦已修百錢
老父爭遺劉瞿塘五月宜輕舟舟中有載皆何物佳兒參

軸孫祿禰亦不言官不遷亦不言行無餽先人幸有遺用
疇婚嫁待畢心悠悠君之鄉先生陸游晚節題詩愛述劔
外軍中事意氣橫九州君又高歌鑑湖秋

渡漳水入直隸磁州境

早發面北辰翩翩渡漳水夜雨滋衆色初陽淨如此野歌
鬱烟林朝食滿村市童僕不知處亦聞畿甸美

郭有道墓碣

碣旁有漢槐一株

後死中郎愧平生孟博哀人師真不忝名士得無災寥景
冥汾鴈清風出漢槐崢嶸標片碣應後介山顏

節使明公以和答查儉堂觀察見懷及向晚獨步山

月二詩索和次韻

新詩倚馬出高興射雕還行幄霜侵盾營門月吐山俊才
推戚畹歷試足邊關笳鼓還朝去停雲諒莫攀

落日軍容暇輕裘獨往還澄蟾升絕塞妖鳥墮前山望闕
心彌切懷人意亦關臨風起高詠委吏阻追攀

州廨秋興

灑落衙齋大可居坐看馴鵠滿階除城中涼吹聞江晚天
際奇峯得雪中已邁喪猶遠役近因奉檄始相於旁人
誤有輕肥羨豈識柴桑少舊廬

秋風

淨掃秋風一院荒晚留夏卉數枝芳有時落棗通池徑十
日屯雲播麥岡投老世情知佛語少人官舍似僧房聊寬

白髮軍輸急，俯青城吏隱長。

行經日爾拉山腳

荒路添村小，邑然村氓半識歎。華顛四山秋雪明，紅樹一驛寒雲瀉。碧泉又感微疴侵，晚食將趨大府怯。遙天窟深困獸猶思鬪，別遣貔貅密未傳。

時議分兵自底本達進取

雨中發三松坪

時大府趣使兼治他路屯田事

午時密雨自前宵，公事敦催往路遙。雲下浮烟陰接地，溪邊亂漲勢吞橋。誰能飲酒啗臧紇，敢謂無人謝繞朝。五月寒山一裘敝，從軍歸馬後嫖姚。

向陽坪

在班欄山下

何年小藁祠嵐表，寄亂石下山間。故人軍頓初置驛，令鬼

有所棲免其哭相遇嗟我於爾時生全亦倖獲男兒敢愛
死矧不在鋒鏑雷霆掃羣陰魍魎中白索所賴君子仁信
讒終已釋大病馬上愈焉肯就茵席一幕寄雪窖到今太
陰黑身如宿世人重來證遺跡山氣忽滃合覓見了無得
以茲不住相祛彼有情惑天西雲海頭示現深黛色幽負
萬變姿跌宕恣奇觀

立秋前五日寓舍晚興

今在勝國蜀王宮垣內

來迎新毒熱居寄故宮城雲氣夕無限庭階秋已生莎雞
沿古意樞馬老浮名盡室猶離別觀書冷一檠

丙申除夕於美諾作用舊年韻

深宵剪燭自清哦身似寒松未附蘿家仗病妻殘臘信僮

追歡隊異方歌一編入眼林泉足半偈收心歲月多慚愧
驚駘溷天馬嘶風併耗玉山禾

草坡驛次

瓦寺江源外桃關驛路西遠泉入塞急野鳥狎人低于役
身加老還歸意轉迷何時了公事五畝傍濂溪

查榕巢觀察招集升菴同諸公餞送吳白華庶子試
竣還都分韻得翰字

出入塵海中皮骨消髀髀元冬日催老素業坐成嘆舉頭
望先生天人氣華煥少小迎蔡邕羣書付王粲結交聲益
大搜討事無扞因觀廬山瀑得挹吳淞瀾

先生昔遊
柴桑得交

跋羊

寧遠期威鳳必鸞翰獻賦

翠華側歎擢

玉皇案再厭詞林雄諸公未敢難博物數家珍遺經愼點
竄陝區有巴蜀陳跡自秦漢承學今廓然盡洗向訛謾獨
立文章體肯充耳目玩考據繁富中歸宗入鎔鍛凌雲在山
嘉州寄詩日塞雪疲款段感激酬高吟清臚遠相看觀察格
巢翁細盟託清貫詩文積健爲張軍誰可按築庵升庵地
招客及撈散拈毫候葭琯送君錦水岸君才視前人特達
出東觀歸朝校秘籍四庫方璀璨近已儲匡韋遠應叩誼
旦良會永今朝梅萼春可判

題陳研齋太守明月湖圖次韻

常頭明月似邢溝催促清詩向此留不是橋邊訪殘碣題

名無處問閒鷗

更憑圖畫出清蒼消受無窮是晚涼似欲扁舟落吾手江
湖家在古潯陽

地偏

何期行正國忽覺地成偏古廟歆泥馬晴窗定紙鸞不才
供傲情所性得拘率安蹇當知止衰遲況復然

雅州北岸阻渡

小住亦不惡浩然臨一窻雲中出蒙嶺天外倒羌江火米
食堪再雅州稻穀以火焙之乃治爲米曰火
米蓋地多霧雨糲米則難煮亦可食革床眠用雙
俗呼馬札以供坐人生隨處足何故使心旌
聯之則爲臥榻

雨發雅州

建昌道
前在此

非才叨厚祿于役委中懷
楚界通行部邊雲出使齋
馬更
江踏水僕健竟緣崖何事
猶關念兒曹廢學皆

瀘定橋

官路晚欲平濁川自奔放
迢遞波上影蜿蜒霧中仰
此水源曲羅荒哉不可訪
魚通匯諸派大渡趨所向
敬瞻穹窿碑

天筆照崑閭

橋首綦立康熙四十年御製文碑

羌髦盡東面驛傳置西藏

流沙表夏后不毛陋蜀相
星輶載春行估騎無夜防
茲橋銘鐵爲堅勁永可仗
交紐出大冶盤紉鏜幽嶂
旣貽道途安能益形勢壯
矧在關塞內僕夫勿惆悵
書帙開尉齋烟村抱亭障
明發策吾馬飛騰過駭浪

打箭鑪

際天疊巘嶠鳴澗界限隴豈謂雄邊城崔巍及茲築荒遠
乏圖牒稽名究前錄神哉郭將軍咄嗟造萬鏃昔襄赤帝
討今隱青羊躡相傳武侯南征土人郭某造箭一夕而成
郭將軍地以之名有青羊往往出見云是將軍物
鑪城又瀘定橋皆有祠然南征之道不應出此
巖疆見
祠廟

聖代鄙邊幅粉堞絡二嶺鑪城石焚外皆加聖水門納諸瀑中藏人

烟姿蕃漢趾交屬蕃有土司廨漢有茶估屋仍聞僱蕃婦

攜子返鄉族鑪城客戶皆茶販往往互蕃婦居室生女則留男許歸蘇武尙念兒班

超戒違俗設官給鼓吹持節忝車服雖非行部來承懸亦

信宿坐看東峯雲千状态吐蕃丞言有蛟窟丙申夏肆毒

城市同時摧崩波捲原陸顛懷無遷理形勢昔考卜西顧
通衛藏北走扼章谷從此忌雷雨保居費謀鞠勗哉循良
心河潤庶蒙福

帳廬

羣山白日澹水草風淒淒帳廬數點黑伏若龜出泥此物
織毳爲疎目密於綈雨雪不能入家資從所攜放牛亦念
羣豈獨獮與羝羣牛尾鬣豐身供漣與鸛犇牛筋骨好臠
任載且羣僕夫戲靡逐驀坡峻嶒躋我行塞垣深輕裘託
遠齋況復甘酪汁慣食蓬婆西少小見讀史迢遙發新題
裏塘

延袤未知極輪見三十里短短原上草回回堦際水借問

荒不耕氣寒謝良耜生民遊牧區牛羊送沒齒早霜損蕃
滋蘆菰充蓄旨牆東翠盈圃朝夕已供七朝食崖鳥啼鳥
趾赤者名崖鳥甚多夕食山燕起據榻弄翰罷登臺聊徙倚側谷問
來徑圓峯對居止晴光徹無隱不往羗老死山精白日出
搏噬紛駭詭外方更入境陰陽限尺咫雪嶺在其西見遠
翻蔽邇奇姿絡羣嶂七月馬上指所以空翠中雲勢自茲
始風起流沙黑日沉昧谷紫曠望無燈火野燄吹巖趾公
事諒有期旅懷詎免此

金覺寺

溪泉向西流千古爲佛國梯階登寺門老困念筋力牽慢
聊棲止重樓苦昏黑豈無天憲開風雪氣太刻上有瞿曇

廬日間梵唄亟此僧無他事枯守餘靜色遠勝華浮屠空
談善知識固以道場近得非世誘匿我心亦悠然眠起日
冉食山雨忽欲歛候景出戶闕翠阜初捲雲蒼鷹正矯翼
傑閣鬱參差晴姿爛無極仰視虛霄高俯觀隴畝仄嗟哉
遠民隘辛苦事作息何故所服教一朝逞讎賊終然藉威
符正此師子勅

野眺

微躬非仙人樓居不履地心脾木偏勝申旦常不寐飯訖
洗足已徐步出蕭寺敷坐苔草閒千峯鬱青翠故蹊沒復
顯寒剛欲墜麥實何時獲霜葉淒已領晴天斜雨飛拂
面遠山吹早秋雪從雷俄頃標素致我謂懸絕境無人付

魑魅羌言蓬蒿逕容足謝車騎堪嗟窮髮民偶悟巖棲意
息影廬山阿風光見清秘

宿思礪松林口先呈查榕巢按察

寒風起杉林斜景久未落騶騎何驍騰聲容動幽壑雖非
軍行律鵠鵲儼列幕候火烟漲天霜威共迴薄出塞老詞
客使星發非絡射狼擬弧矢磔鼠煩貫索苗頑施象刑此
事古所託一瞻外臺節始遂遠人樂

食尾呈榕巢

水禽愛碧流寒塘亦容與稽名嗜茲晨

說苑魏文侯嗜晨鳥

遺態訝

在渚豐脂霜鵲謝芳艸露鷄侶廚人不聞勅羅名遠相語
赴聲嬌輕嫩加日獲雙舉異味煩招呼攝衣不斲佇鴈旨

茅蕙椒肴嘉馨醕醕芬馥留舌本何時復登俎

梵記

禱祭徵軍行其流爲祝詛雖疑雜他術要以彰順助賊徒
厲殺人火宅出金布憲司旣莫貰彼法亦何度發兵見楞
嚴然炬表龍樹戈甲耀佛日鐘魚震先路遙指羅刹方施
爲禁狂遽長老智慧最堪布喇嘛化身神通著胡僧克齒何年剝人
皮曳掣森可怖其曳之導行豈謂慈氏教慘於屠王怒

禾生必除稂鳩盤世所護古來有重典茲理或所寓將將

梵音潮芒芒土聲火怒雨增增彌離虎烈烈舉狼顧其法先於所詩

之方路岐積薪如塚藏咒禁麪丸其中以象賊人喇嘛向
之咒誦土兵鼓譟放火槍數過乃焚薪而返便示滅除

羣岫夕更澄寒蟾濯霜露壯心視萬里紀事託豪素

次韻奉和查榕巢見示僧樓留飲計事長歌

爲人憚勞懃懃損高情雙丸催老無慙停鴻泥一笑非計
程翩然秋色西南行塞草蓬鬢白梵山佛螺青高僧寺前
日欲午前額平高曰寺山絕高驚後追驢來僑嬰天邊布有揚清
聲一鳴一和羽翼成大篇義類紛交橫寒宵取酒還共傾
雄談動佛燒高檠門前無垠飛六藝制敵宿將服設奇羞
人驚久知老子十萬胷中兵負嵎之虎焉足撓茲也沉酣
高臥山窻明起看阜陶施象刑笳鼓相隨返邊城據鞍嬰
鏖晚奚用東塹西極清淨歸戶庭

畫梅歌

并序

查鐵橋先生畫梅見貽題其幀云君謂古人畫梅

何法法生香活色耳庭前有梅一樹令能筆一一傳其真影不得去取一花一幹圖成觀之則叢枝亂蕊絕無遜致爲之奈何予曰法叢枝亂蕊則非生香活色之法矣豈獨畫梅然哉

梵天十月眾山雪雪後晴昊愈皎潔水邊巖際無一樹古時老梅花自發化工未解作此奇僧樓飽飯無事時墨光凝寒元氣入筆勢放旭春風知惟將生香動活色不遣亂蕊棲叢枝應無盡無有盡有公本師梅作梅師自有梅來傳繪事古之能者必深致橫斜有物蟠胸中吐出一枝皆絕異先生生長黃金臺海內豪雋推人才異書宋槧五千卷古印漢銅七百枚東南宦遊攬勝遍關塞屢出籌邊迴

今且未迴倒金罍畫梅留寺檀施開梵僧未識佛稱讚恒
河七寶何有哉

裏塘市

客館臨市門羣動何穰穰朝謹野鳥裏暮寂清隄旁

市接喇

寺連延數十家東西自相當異戶設壁牖通櫺懸達莊

北尾

上巔平通如路屋內何所有屑麤撓酪漿門前何所列纖毳屢盤

囊番估賦茶葺禪食膏牛羊生事豈不微或誇多鏹藏遂

令三秦民老死不思鄉宛彼被髮女相依教薄粧佳日照

我樓翠童下嬉翔語音雜華梵衣服兼耶孃生長天地內

極樂此西方

盛世民無域八埏同一疆佛土悉內屬法禁亦有坊昨昔

道惡少臨行淚淋浪

西嶢落

此地與鴉籠江之東一處驛吏文字相沿作俄落
土語或呼惡落皆無意義予度其地宜定名嶢落
歸而過之因賦一詩

勢開平阪遠程休晚食餘閒出舍遊雪嶺風來嗔野犬冰
河月上臥旄牛居人聞說多僧屬熟地曾經見麥秋負嶢
稍成村落象定名嶢落塞西頭

感松

松樹蜀中看較少綠峯冠嶺近邊陲尤憐野驃臨村處忽
憶春山上塚時酒肉八林霑細草父兄攜我并卑枝事如

隔世頭俱白無限歸心計莫遲

再過相嶺

未遂扶筇訪嶽心屢成叱馭度關吟我從三月晴天到無限雲深與雪深

清溪縣境

荒山山下燒畬烟黎州城外恒風天十里幾見半枯樹何期入眼桃花然短褐稚子無寒色從兄攜弟娛道邊純綿繡襦或未暖人生賦氣何其偏傳聞此地半猓種受治流官多歲年山中始鄙山下都婚媾漸遠趨華妍富者納粟補小吏秀者讀書弟子員我行尤愛村落好山窓脩脩俯流泉水東叱馭塵滾滾水西叱犁露涓涓何人闔門看騶

從我敢憚行卿可眠

裏塘寓舍

儘堪曉起無人處苦迫衰年少睡時時散雪花看漸密夏
生春草意猶遲殘編熟盡還相對蠻語通多總入詩萬里
淹留問心跡夢迴地下老親知

先妣旅
櫬未歸

裏塘端午雜興

少年若昨日五載到六十賦命生恒勞循虛晚逾急端午
自佳候梵天寄原隰跡孤心易感性拙意彌執慚非謀道
貧又負修名立望古似不遠撫已狂欲泣昨寄京華篇良
友儻相挹卻誦思反復格尙雜沿習卽事盡知非如人已
何及置此勿復道油雲方四集

仙雲姿在山弄景互吞吐少進障崇殿忽兮籠廣宇灑潤

生妙香流沫濡燥土漠漠諸天衣童童釋迦樹

裏塘惟釋迦殿側有

樹數株童童合如一

莊嚴寶欄楯色淨對我戶況有北窓

峯卓立含秀嫵赤城標四明青山映牛渚身豈知邊塞興

已寄煙雨蒼莽淒風來氤氲密雪舞得非傷遠目未可損

幽緒僧俗各有廬何物嗟失所官事亦粗了披裘傍檐佇

遠賈無節物雨止升屋築土司仰華風候謁僊雞犢報以

錦繡段茶香溢包束拜受存恩私攜歸滿僦僕番僧致酸

酪特謂予所欲異域通情懷人居易口腹疏布曉暮窻映

山納新瀑野鳥低白乳夏草密初綠不負五日期角黍佐

醪醪雖無烝菰芬尚資裏襍熟

馬協戎致
摩作糲

裴麟

麟新建人曰修子乾隆二十五年進士官編修

遊盤山千相寺

路轉東峯近紆廻磴道循出山雲送客入徑鳥驚人地慙
烟蘿性身無泉石親悠然三嘆息過此便紅塵

劉謙

謙字記州新建人乾隆二十五年進士著有賓日

詩鈔

崖寺

奔流下灘水噴怒抵石脚石勢莽北回崖寺倚寥廓稍稍
初日吐蕭蕭寒葉落鐘磬迴帶風烟羣氣相薄羣棲向晨

動出處各有索因之悟元宰噓煦浩莫莫我行日斯邁彌
經道途惡優遊恣探賞仰慚謝康樂

莫夜有懷

莫夜四瞻望烟霏蔽高岡浮雲過微月野草被清光寒氣
厲淒緊朔風吹衣裳飛鳥尙有息我獨何徬徨弟兄異鄉
縣焉得共翱翔引領還復入箔襟涕淋浪

灘下候風

邁邁夫何如歲聿其莫矣終日對寒山問此灘流駛荒林
亂風葉繁聲悲遠耳夜闌霜天高悄然長途倚

四顧何驚蕭山空起長烟羣響隱不見月明聲在川崩湍
向予怒悲激毛髮寒天地多險途豈必我獨然

觀音巖

連山去無極碧翠飛層層有如架巨浪長風驅奔崩卓立
此巖峻勢欲霄漢凌臨流蟠深根意態何端凝倒懸累危
石竇虛俯淵澄豁舒壁面開洞口闊觚稜穿幽枝撐出結
構樓檻憑佛龕半隱見高影灼寒燈往來絕路徑扁舟渡
山僧予亦停桂楫攀援與俱升窈冥循迴磴暫橫欄上肱
飛雲已在履衣袂空際乘迅颺厲天衢嗷嗷摩蒼鷹嚴威
動殺氣驚翻乃承仍爲語籬鷄輩相教慎躍騰

北隣

江村緣熟路蒲柳遍晴春曲折穿花劇高低映水頻鳥呼
應喜客蜂起欲遮人爲覓牀頭酒時來訪北隣

聞汪輦雲歸豫寧奉寄

琴劍馳驅二十年南州風雨倍潸然詩名能使公卿重別
念深爲母氏懸雲共片帆修水遠月將歸思蠡湖偏遙知
庭畔行吟處古樹荒山日暮烟

銅盤灘歌

昔者羿射九日落其一下作銅盤灘韜閼精靈五千載安
置扼險驚愚頑熊羆桀劣虎豹怒鋸齒銳爪飛噴峴崩湍
努力激箭疾有似一發開黃間銅盤灘橫今古上灘百丈
下灘檣灘頭年年多客船來去摩挲自風雨靈光炫熠燿
龍蛇船頭船尾石作花須臾火勢豈得料一息九度還思
家秋風吹遠思耿耿傷別離雲山出沒幾萬里家人夢斷

歸何時銅盤灘長怒號羣峰攢簇如牛毛白日慘悴蒼昊
萬光碧眼森古刀瞿塘灑灑回首勞我爲作歌風騷騷
遊海珠寺同山陰族弟宸章

蒼蒼海氣羊城低寒潮汨沒清秋時混茫巨石激激灘古
寺屹鎮飛丹椽我來登此一臨眺滿眼浩渺驚琉璃千舸
萬艇浮鳴鶯層欄曲檻紛鱗差車馬喧填入都市衣冠炫
耀奔星馳鬼方之人言服異貓睛閃閃爭遊嬉憶昔劉銀
擁斯土顧盼左右矜雄姿割據偏安意自足粉黛環列吹
笙簾此時歌舞惜光景附城百萬登熊羆白日西傾伯氣
歇花田夜雨狐狸悲杳杳厓門拱岫嶂慘淡萬古波濤吹
趙氏塊肉舟已覆英魂至今臨海陲寸心那共尺土滅白

骨獨與蒼天支村落兒童不解事猶能指識三忠祠徘徊
寶閣發感歎疾風颯颯吹星漢沉香浦頭荒霧深石鵝潭
上餘霞斷宸章謂我試作歌我才衰薄奈若何俯仰萬類
纔情多吾儕胡爲鬱鬱困茲土坐令白日空蹉跎

黃堂

堂宇雨椽號秋水瀘溪人乾隆二十六年進士官
宿松知縣有政聲以伉直罷官歸著有秋水詩鈔

開春偶題草堂

晨雪欲漸霽出門念何之山墅此軒豁屢來誠不辭當戶
照高梅繁花何離離念此誰護植結落寒猶姿草木交冬
春頗似窮居時骨幹苟不立何由待華滋撫樹再三嘆爲

汝發歌詞人生有本志憔悴復奚爲

元東陽讀書西來寺喜而有作

隔歲不相見抱膝成幽居離羣自多念況乃逢音書薄暮
喜逢君來從飢渴餘升堂不待揖促坐牽衣裾酒酣頗陳
述身事多崎嶇逝將抱卷帙入山尋幽廬西南古蘭若松
園吾舊鋤草堂四五椽簷簷環階除下可安吟榻風籟鳴
笙竽山僧野如鹿厥貌皇古初一僕如小猿短臂供奔趨
誰謂此荒落野趣彌紆徐吾懷長白山清興何遽遽藿粥
手自供窖金還太虛大賢用幽意自與常人殊人生譬五
味辛苦酸醎俱兼備始適口不必甘飴如君今志進取勵
業精瑤瑤席珍用待聘此念猶良圖

夜坐

薄飲猶供酒殘燈不厭花一春聽夜雨雙燕失年華往事
絲難理新詩月欲斜踉蹌應悵悵歲歲誤征車

元東陽讀書蕭寺時曾同登高眺遠有竹葉早爲秋
露光之句別後偶憶因足成之仍寄東陽

六月高齋風日涼酒酣相喚登西岡蟬聲不得晚山靜竹
葉早爲秋露光天遠浮萍各聚散雲深斷雁生淒涼詩成
謾寄讀書客重遊他日知難忘

江樓聽雨歌

秋城著雨雲片飛高樓客醒歸夢遲竹瓦臨江聽欲曙長
亭曉起煙參差落虹橋西望秋色水眼山眉各青碧帆影

孤來風起遲百疊蒼茫看不得三年書劍來姑山對此眼
豁神俱閒世間萬事欲愁臥鳬鷗漠漠開心顏我欲因之
寄形似輞川十洲今無此人生佳興亦良難可惜秋光煙
霧裏汀洲漁唱夜來過渡口蘆花風更多滄浪曲罷無相
顧別有秋懷奈汝何

書齊物論後

人心不盈寸所感乃萬千自非空寂徒焉免思流連莊周
齊萬物豁達豈性然毋乃幽鬱極其轉爲曠言山以春自
煙水以渠自穿物理既各適有情或纏綿夜闌撫敞篋孤
燈明我前世務各繼綵夔虵吾所憐

寄遠

最有芳洲興難消宿霧痕溪聲山雨夜花氣水雲邨嬾性
常高枕離居偶閉門未宜消息斷微意待深論

爲陶作人題姑山讀書圖

愛山山在心圖山山在手多君出山來攜山更西走

時作人令

山西廣靈素紙不盈尺幽意徧松柳奇石出蹊徑秋雲入窻牖
想見高歌時猿鶴伴吟吼一朝謝邱壑驅車作官守山中
所讀書此際見樞紐可知素心人茲山定回首伊余慕蒼
翠仰止亦已久惜未擁烟鬟誅茅偕我友此圖幸餘幅肯
綴斯人否一笑謝烟霞心盟庶不朽

日午

千日上階除游絲颺雨餘暖蒸花氣出晴帶水光虛捲幔

通巢燕開書走蠹魚今朝山色好青眼向吾廬

自松江抵蘇州舟中

日落風逾駛山空新月明江天真一幕燈火欲三更舟子
食常晏漁榔來有聲故知村落近樓樹影相迎

千澗復萬澗出湖旋入湖橋多帆屢落村小店仍孤酒艇
供晨飲吳歌當夜呼秋風起寥泚還與問蓴鱸

古風

夏裘與東葛對面苦相違誰能永棄君物用各需時卞和
有終獻燕石無長欺我生在重蓄萬鑑觀所持
六情斂真元癥結故无已誰能藉刀圭靈臺去胎瘕雞犬
入秦洞日月相終始鑿天勿教深七日混沌死

得何鶴年手書

何君炯兩眸深健乃秋隼意若無雲霄孤騰失欄楯作書
寄荒山潦草問幽窘寸箋百餘字凜凜風霜隕訊我久蕭
索憂我罹美疾想見下筆時颯爽到戈盾我本頑鈍人唐
資謝聰敏況乃心緒繁精魂不周嶺下乘逐上駟遲速理
難準贈以經朝鞭毋乃困疆勑方今市井交醜俗同隱忍
俗耳驚法言對此舌須引俾知天壤間古道猶高軫窮巷
臥秋色糾結類蟲蚓安得共遨遊陳編開笑哂故山望西
南秋風動髮鬢注水不可極空然懷抱盡